

短

佛說寶雲經


一之
五

上

身

C40
4514
50





C 40-4514

了翁上座請大藏及有
家書置之武州紫雲山
我微笑塔院庭府中永
為學者不敢許出院內
當山二世鐵牛機謹誌



B 64853

1 2 3 4 5 6 7 8 9 210 1 2 3 4 5 6 7 8 9 210 1 2 3 4 5 6 7 8 9 210

皇圖鞏固 帝衛遐昌
佛日增輝 潛輪常轉



佛說寶雲經卷第一

梁扶南三藏曼陀羅仙共僧伽婆羅譯

如是我聞一時佛在伽耶山頂與大比丘僧七萬人俱所作已辦捨諸重擔其心自在盡諸有結正見解脫皆如大龍善解法界是法王子能捨利養善具出家善具受戒意所欲受者悉得滿足住涅槃道唯除阿難在於學地諸大菩薩八萬四千人俱皆是一生補處向一切智無有退轉志求佛地近於彼岸得阿僧祇諸陀羅尼逮得諸禪首楞嚴三昧遊戲神通大慈大悲遍滿十方乃至無量無邊佛土行空境界除

1 2 3 4 5 6 7 8 9 210 1 2 3 4 5 6 7 8 9 210 1 2 3 4 5 6 7 8 9 210

諸蓋障盡三毒根善遊無相室宅恒欲救濟一切衆
 生善知諸佛世界得無礙智心如虛空深廣如海猶
 如須彌八風不動心如蓮華不著塵水意如真寶內
 外明徹如淨真金中無瑕穢其名曰寶光菩薩寶掌
 菩薩寶印手菩薩寶天冠菩薩寶髮菩薩寶積菩薩
 寶藏菩薩寶山頂菩薩寶幢菩薩金剛胎菩薩金胎
 菩薩寶胎菩薩功德胎菩薩淨無垢胎菩薩如來胎
 菩薩智胎菩薩日胎菩薩三昧胎菩薩蓮華胎菩薩
 解脫月菩薩普月菩薩觀世音菩薩普賢菩薩普眼
 菩薩蓮華眼菩薩大眼菩薩普威儀菩薩普端嚴菩

薩普行菩薩智定意菩薩法意菩薩勝意菩薩增長
 意菩薩金剛意菩薩師子神通菩薩大音聲王菩薩
 師子吼意菩薩深音聲菩薩無染汙菩薩離一切垢
 菩薩月光菩薩日光菩薩智光菩薩智功德菩薩月
 功德菩薩蓮華功德菩薩寶功德菩薩文殊師利菩
 薩跋陀婆羅等十六賢士賢劫千菩薩摩訶薩等彌
 勒最爲上首四天王諸天等四天王最爲上首忉利
 諸天等帝釋最爲上首燄摩天燄摩天王最爲上首
 捄率陀天兜率陀天王最爲上首化樂諸天化樂天
 王最爲上首他化自在諸天他化自在天王最爲上

1 2 3 4 5 6 7 8 9 210 1 2 3 4 5 6 7 8 9 210 1 2 3 4 5 6 7 8 9 210

首善黨諸天薩陀最爲上首一切諸梵天梵天王最
爲上首首陀會諸天摩醯首羅最爲上首毗摩質多
羅阿修羅王婆稚阿修羅王羅睺羅阿修羅王等無
量百千億阿修羅王阿邢婆達多羅王摩邢斯龍王
娑伽羅龍王難陀龍王和修吉龍王德叉迦龍王如
是等百千億諸龍及諸龍子諸龍妓女如是等百千
萬億衆天龍夜叉乾闥婆阿修羅迦樓羅緊那羅摩
曇羅伽人非人等百千億衆皆來集會爾時伽耶山
頂方四由旬微塵針鋒虛空及地大衆充滿悉敷師
子座莊嚴光顯高一由旬嚴飾第一廣半由旬八千

天衣遍布其上地悉平正變爲金剛懸諸縉旛香汁
灑地無量天華遍滿在中其座左右生諸蓮華大如
車輪百千萬葉真金爲莖皆以紺瑠璃爲臺因陀尼
爲鬚香潔適意觸時快樂如是妙華以供養佛彼師
子座於其四角各生寶樹高十五里其樹蔭蓋及半
由旬如是莊嚴師子之座佛坐其上心意清淨善轉
法輪降伏魔怨不爲八法之所染汙得無所畏智辯
無滯心無怯弱猶如師子意行清淨如明淵池深廣
如海能出衆寶猶如須彌處於大海如日盛明照於
一切如月盛滿悉令清淨雨大法雨如彼龍王處衆

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

高顯如大梵天無量弟子悉皆調順無量釋梵四天王等瞻仰觀佛心無高下能令大衆溫光如日衆寶莊嚴爾時世尊身色熙怡如日溫照一切大衆如寶莊嚴頂顛放光名曰周遍普照百千世界無量諸光以爲眷屬俱照十方繞佛三帀光從口入而口無異相譬如淨月明照虛空然於虛空亦無異相光從口入亦復如是譬如沙聚酥油注中不見增損佛光入口亦復如是爾時東方過無量恒河沙世界有國名蓮華自在彼世界有佛名蓮華眼如來應供正遍知明行足善逝世間解無上士調御丈夫天人師佛世

尊爲諸菩薩說一乘法彼國無有聲聞辟支佛名時諸衆生皆得阿鞞跋致趣向阿耨多羅三藐三菩提此諸衆生無有搏食唯有法喜禪悅等食彼國雖有日月星辰不以爲名唯有佛光照於彼土無有山林株杌荆棘平地如掌彼有菩薩摩訶薩名除一切蓋障聞其名者一切罪障皆悉除滅時除蓋障菩薩摩訶薩蒙光觸身卽詣蓮華眼佛所頭面著地爲佛作禮却住一面坐蓮華上復有無量菩薩亦蒙光明往詣佛所頭面著地頂禮佛足却坐一面除蓋障菩薩從座而起整其衣服偏袒右肩右膝著地合掌向佛

0 1 2 3 4 5 6 7 8 9 20

1 2 3 4 5 6 7 8 9 20

1 2 3 4 5 6 7 8 9 20

而白佛言世尊以何因緣有斯光明遇斯光者心意快樂如是之光從何而來蓮華眼佛答言善男子西方有世界名娑婆佛號曰釋迦牟尼如來應供正遍知明行足善逝世間解無上士調御丈夫天人師佛世尊聞彼佛名皆得阿鞞跋致如是之光彼佛所放除蓋障菩薩復白佛言世尊以何因緣聞彼佛名皆得阿鞞跋致趣向阿耨多羅三藐三菩提蓮華眼佛復告除蓋障菩薩言彼佛行菩薩道時發大誓願若我成佛聞其名者皆發阿耨多羅三藐三菩提心得阿鞞跋致除蓋障菩薩復白佛言世尊若聞彼佛名皆發阿耨多羅三藐三菩提心得阿鞞跋致者彼國衆生皆已得不蓮華眼佛答言善男子不得除蓋障菩薩復白佛言世尊彼國衆生可不聞耶蓮華眼佛答言善男子亦得聞名除蓋障菩薩白佛言世尊如其聞者云何不得蓮華眼佛答言善男子彼國衆生悉是阿鞞跋致亦非阿鞞跋致除蓋障菩薩白佛言世尊云何悉是阿鞞跋致亦非阿鞞跋致蓮華眼佛答言善男子聞彼佛名者雖得阿鞞跋致種子因緣不具行未滿足不得授記善男子我今爲汝說喻譬如種樹有其種子離於腐敗具足生芽因緣當言爲

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

生爲不生耶除蓋障菩薩白佛言世尊是名爲生蓮
 莲眼佛答言善男子聞佛名者得其種子具足因緣
 便得授記除蓋障菩薩摩訶薩白佛言世尊我欲往
 娑婆世界禮拜恭敬釋迦牟尼佛蓮華眼佛卽便答
 言善男子今正是時可往禮拜彼諸菩薩白佛言世
 尊我等亦當隨從除蓋障菩薩往詣娑婆世界禮拜
 恭敬尊重讚歎蓮華眼佛告諸菩薩言今正是時可
 往詣彼莫生下劣放逸之心何以故佛界衆生多諸
 貪欲瞋恚愚癡不肯恭敬沙門婆羅門好作非法心
 意麤弊惡口罵詈很戾難調慳貪嫉妬懈怠懶惰放
 逸破戒無量煩惱之所纏縛於是惡衆生中而爲說
 法爾時諸菩薩白佛言世尊釋迦牟尼佛甚爲希有
 能於彼惡世界衆生中而爲說法蓮華眼佛答言善
 男子彼佛世尊實爲希有如汝所言常處惡衆生中
 而爲說法彼惡世界能起一念善心者此亦難有何
 以故清淨世界衆生守信修善不難惡世界中於彈
 指頃發生信心歸依佛法僧於彈指頃能修持戒於
 彈指頃生離欲心於彈指頃生於慈悲發阿耨多羅
 三藐三菩提心此則甚難諸菩薩白佛言希有世尊
 希有善逝爾時諸菩薩除蓋障菩薩摩訶薩最爲上

1 2 3 4 5 6 7 8 9 20

1 2 3 4 5 6 7 8 9 20

首爾時除蓋障菩薩摩訶薩并諸菩薩受佛教已歡喜踊躍頂禮佛足各還本座此諸菩薩有齋寶樹華果具足有齋瑠璃樹者有齋玻瓈樹者有齋金樹者有齋衆寶樹者有齋華樹者有齋果樹者有齋寶衣雲者有齋環釧瓔珞者有齋香雲者有齋華蔓雲者悉有齋寶蓋雲者有齋寶幢旛雲者有齋音樂雲者悉有齋寶蓋雲所共詣娑婆世界除蓋障菩薩摩訶薩告衆菩薩言彼娑婆世界衆生多受苦惱汝等各各現神通力令彼衆生速得快樂時諸菩薩皆言唯然爾時除蓋障菩薩摩訶薩以神通力

身出光明清淨無垢遍照娑婆三千大千世界此光能照地獄餓鬼畜生閻羅王趣諸苦惱者蒙光觸身受快樂貪欲瞋恚悉令除滅慈心相向猶如父母三千大千世界諸閻冥處日月諸光所不及處以菩薩光故皆得相見三千大千世界鐵圍山大鐵圍山目真隣陀山摩訶目真隣陀山及諸餘山幽冥之處悉蒙光照射及梵天下至阿鼻地獄如是中間光明普照及諸菩薩皆放身光蒙其光者飢者得食渴者得飲渴者得衣貧者得財盲者能視聾者能聽瘡者能言跛者能行狂者得正苦者得樂諸懷孕者令得

1 2 3 4 5 6 7 8 9 20

1 2 3 4 5 6 7 8 9 20

隱產當爾之時衆苦悉除共諸菩薩俱時而到伽耶
山頂寶網彌覆三千大千世界於虛空中蓮華雲雨
蓮華妙果雲雨妙果華蔓雲雨華蔓香雲雨香白
雲雨白疋末香雲雨末香衣服雲雨衣服寶蓋雲雨
寶蓋寶幢雲雨寶幢寶旛雲雨寶旛如是衆雲隨種
而雨雨觸身時柔軟快樂爾時伽耶山坑坎堆阜自
然平坦諸山樹木變爲寶林亦作栴檀沉水及諸香
樹周遍嚴飾百千天樂於虛空中不鼓自鳴諸樂音
中俱出偈頌

生於林毗羅 不由結業有 挺特無有比

我今禮於彼 心平如虛空 至於伽耶山
我今歸最妙 無上勝菩提 坐於道樹下
始悟於正覺 指地以爲證 魔怨皆退散
我今到伽耶 稽首無垢尊 世間皆幻化
衆相華開敷 八十好爲果 世間得依怙
我今從彼來 稽首於寶樹 具無量枝葉
我等悉供養

爾時尊者目連從座而起長跪合掌偏袒右肩白佛
言世尊我今不見其形而聞衆妙偈頌佛告目連東
方過此無量恒河沙佛土蓮華世界有佛名爲蓮華

1 2 3 4 5 6 7 8 9 210 1 2 3 4 5 6 7 8 9 220

眼今現在彼爲大衆說法彼有菩薩摩訶薩名除蓋
障復有無量百千億菩薩皆來至此娑婆世界爲欲
禮拜恭敬於我至心聽法故彼諸菩薩造此偈頌佛
語已訖彼諸菩薩卽到佛前除蓋障菩薩摩訶薩最
爲上首皆共頭面頂禮佛足却住一面合掌向佛以
偈讚曰

歸命大名稱 具足智慧者 歸命大精進
最勝牟尼尊 能拔於三有 超度煩惱岸
神光照世間 歸命無等尊 四方蒙光照
周遍悉解脫 歸命無等稱 不動如山王

深廣如大海 智慧無有量 一切諸外道
無能擾亂者 我今稽首禮 歸命於法王
第一寂滅道 無生亦無滅 體相如涅槃
歸依說法王 能轉法輪者 顯現於正道
安住於真諦 開演於涅槃 而授菩提記
善知於法相 及以煩惱性 如說而修行
觀察於律儀 貪欲諸瞋恚 無量心垢穢
一切諸塵障 於菩提樹下 智火悉燒盡
濟度於衆生 自度亦度彼 生死曠野中
勉濟諸衆生 長寢於重昏 三有之獄縛

1 2 3 4 5 6 7 8 9 20

1 2 3 4 5 6 7 8 9 20

1 2 3 4 5 6 7 8 9 20

勸令早覺悟 趣向歸依處 當爲作親友
究竟不放逸 隨從而來者 皆住於菩提
爲欲聽正法 願時而解說

爾時除蓋障菩薩摩訶薩偈讚佛已佛告諸菩薩各
還本座除蓋障菩薩摩訶薩及諸菩薩皆坐蓮華臺
上除蓋障菩薩摩訶薩從座而起整其衣服偏袒右
肩右膝著地合掌向佛而白佛言世尊欲有所問唯
願聽許佛卽答言若有疑者隨汝所問我當爲汝分
別解說除蓋障菩薩白佛言世尊云何菩薩具足於
施具足於戒具足於忍具足精進具足禪定具足智
慧具足方便具足於願具足於力具足於智云何菩
薩與地等云何菩薩與水等云何菩薩與火等云何
菩薩與虛空等云何菩薩如月云何菩薩如日云何
菩薩如師子云何菩薩爲善調云何菩薩爲善御云
何菩薩如蓮華云何菩薩得大意云何菩薩得淨意
云何菩薩得無疑網心云何菩薩甚深如大海云何
菩薩得微細智云何菩薩得淨辯云何菩薩得無
盡辯云何菩薩得隨應辯云何菩薩作法師云何菩
薩得隨順法云何菩薩得善解法界云何菩薩行空

1 2 3 4 5 6 7 8 9 210

1 2 3 4 5 6 7 8 9 210

1 2 3 4 5 6 7 8 9 210

境界云何菩薩行無相境界云何菩薩行無願境界
云何菩薩行慈云何菩薩行悲云何菩薩行喜云何
菩薩行捨云何菩薩得遊戲神通云何菩薩得離八
難處云何菩薩得不忘菩提心云何菩薩得宿命智
云何菩薩得不離善知識云何菩薩得離惡知識云
何菩薩得佛清淨身云何菩薩得金剛身云何菩薩
得大商主云何菩薩得善知識道云何菩薩得示不
顛倒道云何菩薩常得定心云何菩薩得糞掃衣云
何菩薩得三衣云何菩薩得梅衣云何菩薩得乞食
法云何菩薩得一坐食法云何菩薩得一受食法云
何菩薩得非食後食云何菩薩得阿練若行云何菩
薩得樹下坐云何菩薩得露地坐云何菩薩在塚間
行云何菩薩常坐不臥云何菩薩能隨歎坐云何菩
薩善知教授禪法云何菩薩能持修多羅云何菩薩
能持律藏云何菩薩能持威儀云何菩薩善知可行
處云何菩薩善知修行法云何菩薩除於貪嫉云何
菩薩於一切衆生能起等心云何菩薩善知供養如
來云何菩薩除於憍慢云何菩薩善得信敬心云何
菩薩善解第一義諦云何菩薩善知十二因緣云何
菩薩善知已體相云何菩薩善知世間相云何菩薩

1 2 3 4 5 6 7 8 9 20

1 2 3 4 5 6 7 8 9 20

生淨佛國土云何菩薩處胎不汙云何菩薩捨家出
家云何菩薩得清淨命云何菩薩心不愁惱云何菩
薩善隨佛教云何菩薩常和顏語捨離頻蹙云何菩
薩具足多聞云何菩薩善持正法云何菩薩作法王
子云何菩薩爲四足王帝釋梵天之所供養云何菩
薩知他體相云何菩薩善知成熟衆生云何菩薩善
修和柔行云何菩薩共住安樂云何菩薩善修四攝
法云何菩薩得威儀端正云何菩薩善爲衆生作依
憑處云何菩薩喻如樂樹云何菩薩常修諸善云何
菩薩善作變化云何菩薩摩訶薩速成阿耨多羅三

藐三菩提佛告除蓋障菩薩摩訶薩善哉善哉善男
子汝爲利益天人拔濟一切衆生故發是問我今當
爲汝說除蓋障菩薩摩訶薩白佛言善哉世尊願時
演說佛即告言善男子我今當說汝等諦聽菩薩成
就十法能具足檀何等爲十法施具足無畏施具足
財施具足不望報施具足憐愍施具足不輕心施具
足尊重施具足恭敬承事施具足不求有施具足清
淨施具足善男子云何名菩薩法施具足無希望心
自受持法爲人演說不求利養不爲名譽爲除一切
衆生過惡不爲於利心無高下平等說法若爲王若

1 2 3 4 5 6 7 8 9

20

1

20

王等若栴陀羅等說法等無差別不以此施貢高橋慢若能如是是名菩薩法施具足云何名菩薩無畏施具足菩薩自離刀杖亦教人離刀杖於一切衆生父母想男女想親友想何以故佛說一切衆生從無始劫來無非父母男女菩薩常於微細中捨身而與況復餘大衆生是名菩薩無畏施具足云何名菩薩財施具足菩薩見衆生多作諸惡便積聚財寶而施與之令離惡業安置善處又聞佛世尊作如是說檀是菩薩能除慳貪嫉如之垢如佛所說習行於施不以施故而心自高是名菩薩財施具足云何名菩薩不望報施具足不爲得眷屬故施不爲得親友故施不爲欲故施菩薩作是念施菩薩淨戒是常行法以是因緣故是名菩薩不望報施具足云何名菩薩成就憐愍施具足菩薩見衆生飢渴受苦保形弊衣無所依怙無歸無趣無居止處離於福業便生殷重憐愍之心我今爲苦衆生發阿耨多羅三藐三菩提心但以衆生輪轉受苦保形弊衣無所依怙無歸依舍現有財物悉施與之雖作是施而不生念存有我人財物等想如是施者是名菩薩憐愍施具

足云何名菩薩不輕心施具足不分別施等大悲施
不輕心施不吝惜施不瞋忿施不憍逸施不爲得名
稱施不爲我多聞故施如是之施名爲專心施尊
重施恭勸施自手施如此等施是名菩薩不輕心施
具足云何名菩薩尊重施具足若同梵行可尊事者
若和尚阿闍梨等如是之人深生殷重起迎合掌瞻
仰恭敬若有所作躬代營佐如是施者是名菩薩尊
重施具足云何名菩薩恭敬施具足供養佛供養法
供養僧香華妓樂遶如來塔塗掃佛地若諸塔廟朽
故崩落修復嚴飾如是名爲恭敬佛恭敬法者聽法
讀誦受持書寫解說思惟其義如法修行不顛倒取
義是名恭敬法恭敬僧者衣服飲食臥具湯藥種種
雜物供給所須奉施於僧乃至貧下無所有時當用
淨水敬心持施如此施者名恭敬僧施若能如是供
養三寶是名菩薩恭敬施具足云何名菩薩不求有
當爲王及諸輔相大臣官屬是名菩薩不求有施具
足云何名菩薩清淨施具足菩薩諦觀此施無垢無
穢無雜如是施者是名菩薩清淨施具足善男子具
此十事是名菩薩具足於檀善男子菩薩復有十法

0 1 2 3 4 5 6 7 8 9 20

1 2 3 4 5 6 7 8 9 20

1 2 3 4 5 6 7 8 9 20

名成就淨戒何等爲十善學波羅提木又戒善持菩薩緻密戒滅諸煩惱除不善覺怖畏惡業於小罪中尚生驚怖心常恐畏受持頭陀法堅固不闕持戒不爲求有造業淨三業戒云何名菩薩善學波羅提木又戒菩薩於戒律諸經是佛所制皆專心受持不爲種族故持戒不爲我見故持戒不爲攝徒衆故持戒不見他瑕缺而輕毀戒是名菩薩善持波羅提木又戒云何名菩薩善持緻密戒菩薩作是念非但波羅提木又戒能使我成阿耨多羅三藐三菩提諸餘菩薩威儀戒行我亦當學如法修行云何是菩薩戒菩薩不應行處終不往來非時不語善知時節善知方俗順適人心不令衆生起於譏嫌善護衆生令至菩提亦自具足菩薩威儀言辭柔軟少於言說不好親近大臣羣官恒修阿練若行和顏悅色能具如是菩薩威儀戒及餘經中諸菩薩戒悉具修行是名菩薩密緻戒云何名菩薩滅一切結使皆悉焦然貪欲瞋恚愚癡及餘纏障一切衆具亦皆焦然於貪欲處生對治法能起欲處悉皆除斷云何是貪欲處於美色邊能起欲因緣云何名不淨想如觀已身髮毛爪齒皮膚血肉筋脈骨隨汙淚涕滯肪膏腦膜咽喉心膽

0 1 2 3 4 5 6 7 8 9 20

1 2 3 4 5 6 7 8 9 20

1 2 3 4 5 6 7 8 9 20

2220

肝肺脾腎腸胃百葉生藏熟藏尿尿膿汁苦薩常觀
三十六物若能如是不生貪心若愚癡嬰兒顛狂心
亂見是三十六物猶不起欲想況復智者諸菩薩等
常觀不淨云何當復起於欲想菩薩摩訶薩見所愛
色適意之時便生染心初見色時卽自念言如佛所
說色如夢響無有實事云何智者妄於夢中而生欲
想是故菩薩能生欲處悉皆遠離云何菩薩於可瞋
中生對治法而能離瞋及瞋因緣菩薩於諸衆生常
生慈心以是因緣便得除瞋若有惱害因緣瞋恚起
時當深繫念對治之法是名菩薩除瞋方便云何菩
薩除癡方便當念癡心不識善惡常守愚闇後受苦
果無智自蔽惱他緣少不如貪瞋多有怨害如是觀
時則滅癡心是名菩薩焦然煩惱云何名菩薩除不
善覺住於空靜阿練若處作如是念我今遠離於憒
鬧處在閑靜地履行佛教諸餘沙門婆羅門親近憒
鬧多有擾亂遠離佛教是名菩薩除不善覺云何名
菩薩怖畏惡業觀察選擇曾聞佛說專心修福堅淨
持戒善學智慧以是因故最爲勝報具福德業遠離
諸惡是名菩薩怖畏惡業云何名菩薩畏於微惡於
小罪邊常生大畏心終不輕微小之惡以是因緣曾

0 1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

聞佛說少毒殺人況復多毒微細惡中尙能將人至
三惡道況復多惡而心不畏是名菩薩畏微小惡云
何名菩薩心常恐畏爲人體信婆羅門刹利居士等
以體信故卽寄金銀種種珍寶信心用付不立時證
菩薩終不生於隱匿之心若佛物法物僧祇物四方
僧物菩薩寧當自食已肉終不侵他若飲若食供身
之具不敢輒毀是名菩薩心常恐畏云何名菩薩受
持頭陀法堅固不闕若魔眷屬及諸天等以妙色財
欲來擾逼菩薩菩薩卽時志固不動於心不毀是名
菩薩受持頭陀法堅固不闕云何名菩薩持戒不爲
求有造業菩薩持戒不求世間果報但爲滿足一切
善法得無上道是名菩薩持戒不爲求有造業云何
名菩薩淨於三業云何修淨身業離殺盜淫以是義
故名爲淨身業云何淨於口業離惡口妄言兩舌綺
語是故名爲淨於口業云何淨於意業除貪瞋癡邪
見是名淨於意業是名爲菩薩淨於三業善男子具
此十事是名菩薩成就淨戒

佛說寶雲經卷第一

音釋

瑕穢

瑕胡加切玷也

鋒

數容切

怯

去劫切

熙怡

熙

許

0123456789 200 123456789 210 123456789 220

卷之二

七

第八

羈 切 怡 戈 支 切 頤 息 進 切

怡 和 樂 也

阿 輯 跋 致 梵語也此云

不退轉鞞驛

迷 摶 度 官 切

提 捏 聚 也

很 戾 很 胡

不 聽 從 也 吳 郎 許 切

從 違 也

齋 祖 稹 切

持 也

鬘 切

莫 還

倮 郎 果 切

赤 體 也

毘 切

徒 協 切

也 坎 苦 感 切

也 脣 也

阜 房 岳 切

寢 七 念 切

綈 直 利 切

密 也

筋 脉 筋 舉 欣

切 骨 絡

頻 眇 實 切

蹙 子 侯 古 切

恆 恒 恒 切

恃 也

綈 直 利 切

密 也

筋 脉 筋 舉 欣

六 切 頻 慢 愁 貌

怛 恃 也

綈 直 利 切

密 也

筋 脉 筋 舉 欣

也 脉 莫 白

也 脉 莫 白

綈 直 利 切

密 也

筋 脉 筋 舉 欣

切 幕 也

涕 潙 涕 潙 切

肪 膏 肪 腹 切

膏 也

筋 脉 筋 舉 欣

腦 膜 腦 膜 切

膜 末 各 切 脱 嘴 也

脾 腎 脾 腎 切

腎 也

筋 脉 筋 舉 欣

于 貴 切

百 葉 葉 與 于 盈 切

人 始 生 曰 嬰

憤 開

筋 脉 筋 舉 欣

靜 也

姑 蘇 中 書 舍 人 徐 洛 施 背 刻 此

唐 寶 竇 經 卷 計 字 六 十 七 錄 錄 三 兩 一 分 量 吳 江 接 待 壽 識

佛說寶雲經卷第二

梁扶南三藏曼陀羅仙共僧伽婆羅譯

善男子菩薩摩訶薩復有十法能淨於忍何等爲十
內忍外忍法忍隨佛教忍無方所忍修處處忍非所
爲忍不逼惱忍悲心忍誓願忍云何名菩薩內忍菩
薩饑渴寒熱憂悲疼痛身心楚切能自忍受不爲苦
惱是名菩薩內忍云何名菩薩外忍菩薩從他聞惡
言罵詈毀辱誹謗或毀辱父母兄弟姊妹眷屬和尚
阿闍梨師徒同學或聞毀佛法僧有如是種種毀訾
菩薩忍辱不生瞋恚是名菩薩外忍云何名菩薩法

0 1 2 3 4 5 6 7 8 9 20

20

20

忍佛於諸經說微妙義諸法寂靜諸法寂滅如涅槃
相不驚不怖菩薩作是念言我若不解是經不知是
法終不得阿耨多羅三藐三菩提是故菩薩勤求諮
問讀誦是名菩薩法忍云何名菩薩隨佛教忍菩薩
瞋惱毒心起時作是思惟此身從何而生從何而滅
從我生者何者是我從彼生者何者是彼法相如是
從何因緣起菩薩作是思惟時不見所從生亦不見
所緣起亦不見從我生亦不見從彼起亦不見從因
緣生作是思惟亦不瞋亦不惱亦不毒瞋怒之心卽
便減少是名菩薩隨佛教忍云何名菩薩無方所忍
或有夜忍晝不忍或晝忍夜不忍或彼方忍此方不
忍或此方忍彼方不忍或知識邊忍不知識邊不忍
或不知識邊忍知識邊不忍菩薩不爾於一切時一
切方常生忍心是名菩薩無方所忍云何名菩薩修
處處忍有人於父母師長夫妻男女大小內外如是
中生忍餘則不忍菩薩忍者則不如是如父母邊生
忍旃陀羅邊生忍是名菩薩修處處忍云何名菩薩
非所爲忍不以事故生忍不以利故生忍不以畏故
生忍不以受他恩故生忍不以相親友故生忍不以
愧赧故生忍菩薩常修於忍是名菩薩非所爲忍云

0 1 2 3 4 5 6 7 8 9 20

1 2 3 4 5 6 7 8 9 20

1 2 3 4 5 6 7 8 9 20

何名菩薩不逼惱忍若瞋因緣煩惱未起不名爲忍
若遇瞋因緣時拳打刀杖手腳蹴踢惡口罵詈於如
是中心不動者則名爲忍菩薩若有人來起發瞋恚
亦忍不起發瞋恚亦忍是名菩薩不逼惱忍云何名
菩薩悲心忍爾時菩薩若作王若王等有大功業爲
苦衆生而作其主是苦衆生若來罵辱觸惱之時菩
薩不以我是主故而生瞋恚如是衆生我當拔濟常
爲擁護云何而得生於瞋惱是故我今悲心憐愍不
生忿恚是名菩薩悲心忍云何名菩薩誓願忍菩薩
作是念我先於諸佛前曾作師子吼發誓願言我當

成佛於一切生死淤泥中爲拔諸苦衆生我今欲拔
不應瞋恚而惱於彼若我不忍尚不自度況利衆生
善男子譬如良醫善知治眼見諸衆生多有患目或
患眼翳或患眼膜種種患眼不可稱計是醫若言我
欲療治衆生眼患彼時醫師本自盲冥佛言如此醫
師能治他眼不除蓋障菩薩摩訶薩白佛言不也世
尊佛告除蓋障菩薩摩訶薩欲除一切衆生無明瞋
者應先自除闇障後及於人若內無智慧能治他疾
是義不然以是因緣當修於忍不應生瞋是名菩薩
大誓願忍善男子具此十事是名菩薩能淨於忍善

1 2 3 4 5 6 7 8 9 20

1 2 3 4 5 6 7 8 9 20

1 2 3 4 5 6 7 8 9 20

男子菩薩復有十法名爲精進滿足何等爲十如金剛精進無等精進處中精進顯勝精進熾盛精進常恒精進清淨精進不共二乘精進不輕賤精進不退轉精進云何菩薩如金剛精進未解者令解未涅槃者令得涅槃未安者令安未度者令度未得阿耨多羅三藐三菩提者當令得阿耨多羅三藐三菩提若作如是修行精進時天魔波旬來謂菩薩言汝今何故作如是精進徒自勤苦終無所獲何以故我亦會作如是精進未解者令解未涅槃者令得涅槃未安者令安未度者令度未得阿耨多羅三藐三菩提者當令悉得如是等事皆是妄語但誑凡愚無有眞實我未曾見如是精進而得阿耨多羅三藐三菩提者善男子我曾見無量衆生如是精進有得阿羅漢涅槃如是精進有得辟支佛涅槃魔王復言善男子雖行精進未有得阿耨多羅三藐三菩提汝今思惟疾捨是心空無所獲徒自勤苦汝今速求二乘可得早離生死菩薩卽作是念此是魔說欲壞我心汝但少事而自憂已莫爲多事反憂我耶隨所造業各得受報依止於業業爲親友汝亦有此隨業受報依止於業業爲親屬惡魔波旬汝今速疾復道還去汝惱我

0 1 2 3 4 5 6 7 8 9 20

20 1 2 3 4 5 6 7 8 9 20

20

故當長夜受苦魔卽慚愧隱形而去是名菩薩如金剛精進魔不能壞云何名菩薩無等精進爾時菩薩所行精進超諸菩薩百千萬億算數譬喻所不能及況餘聲聞二乘學者而能及乎一切諸佛善法以精進力故悉能攝取一切惡法無不捨離是則名爲無等精進云何名菩薩處中精進勤不過分亦不懈退如是精進名爲處中精進云何名菩薩高勝精進菩薩發大精進願使現身如佛色相若我得佛無見頂相圓光一尋佛之相好無礙智慧大自在者願我悉得是名高勝精進云何名菩薩熾盛精進譬如真金摩尼珠寶無有垢穢光明熾盛端嚴妙顯真金精耀無量焰熾摩尼寶珠煥然炳徹菩薩精進亦復如是無諸垢翳何者是精進垢何者是精進翳懈怠是精進垢懶惰是精進翳食不知足是精進垢貪嗜睡眠是精進翳好樂親近是精進垢不見無我是精進障盛精進云何名菩薩常恒精進舉動威儀不離精進行住坐臥不會休廢身心不懈是名菩薩常恒精進云何名菩薩清淨精進如上常恒精進有所起惡不善之業能障道法能作衰損皆悉除斷一切善法於

0 1 2 3 4 5 6 7 8 9 200 1 2 3 4 5 6 7 8 9 200

涅槃因不作障礙能助道法安止道處皆悉修廣增長熾盛乃至微細一念之惡不令得起況復大惡是名菩薩清淨精進云何名菩薩不共二乘精進菩薩摩訶薩周遍十方如恒河沙數世界滿中阿鼻地獄猛火熾盛如此世界外有極苦衆生無依無救乃至若一衆生如是苦惱菩薩能忍大火過無量恒河沙世界拔濟成熟一衆生苦爲一尚爾況多衆生而不救濟一切外道二乘學人所不能及是名菩薩不共二乘精進云何名菩薩不自輕賤精進菩薩作是思惟三世諸佛皆從微少精進修無量德乃能久積苦行成等正覺是故我今因少精進漸植德本不久亦應得佛不疑是名菩薩不自輕賤精進云何名菩薩不退轉精進菩薩不以己身精進微薄不以貧窮乏少財寶而生捨心常修精進向阿耨多羅三藐三菩提過去未來現在三世諸佛皆以積善微細精進悉得菩提我今不以微賤而自輕毀以微精進故爲一切衆生積集衆善成阿耨多羅三藐三菩提不爲已樂而入涅槃寧爲衆生久處地獄是名菩薩不退轉精進善男子具此十事是名菩薩滿足精進善男子菩薩摩訶薩復有十法名具禪波羅蜜何等爲十多

集福德深厭諸惡能勤精進具於多聞不顛倒解
法向法利根聰明有純善心能解定智不著禪相云
何名爲多集福德久於大乘積集善根在所生處常
護持善戒遇善知識世世恒生種族刹利大姓婆羅
門大家居士生處恒生正見家增長善法憶所修善
方便不捨常不離善知識菩薩諸佛漸漸增長觀察
諸法世間大苦常爲災患之所逼惱無有暫停長爲
衆苦無明所盲皆因愛欲欲爲根本我今不應同於
凡夫親近於欲欲者諸佛世尊說從妄想生無量因
緣毀呴過患譬如以木貫人心腎欲如利戟欲如劍
刃欲如毒蛇欲如鋒火欲如曬爛不可觸近欲如聚
沫欲如熱焰欲如幻化欲如夢想欲爲不淨令人臭
穢欲如熱癰欲如腐敗爛肉作如是厭惡欲想剝除
鬚髮捨離產業出家學道被法服衣而作沙門正法
出家信家非家出家學道發大精進未得善法者能
令使得未得智者能令得智未得證者當令得證如
是因如是緣以是事故卽得多聞於世諦第一義諦
悉能宣說善知世諦卽第一義諦善知不顛倒法如
法體相何者是善知法相正見正志正語正業正命
正方便正念正定得見正道利根轉勝心常在道以

利根故多生厭惡遠離大眾憤鬧之處遠離欲覺貪
瞋邪見殘害之心遠離眷屬遠離名聞利養遠離一切身心常念自觀已心爲念善不善無記若念善應念勝善念勝善者心生歡喜起發信樂云何是勝善心三十七品云何是三十七品四念處四正勤四如意足五根五力七覺分八正道法是名勝善是真道支心猶不善極生厭惡多作觀察勤行方便斷於不善何等不善貪欲瞋恚愚癡貪欲有三種上中下何者是上貪欲欲心逼身正見衰損離欲心少離於慚愧云何離慚愧心若攝身靜念獨處林野爾時思惟欲覺增長熾盛貴於欲覺讚歎欲覺以欲覺故作是思惟時無有愧心云何無慚以欲業故作欲因緣於父母所生懃恨語於尊重處而無畏難亦不羞愧自現有德以是欲故命終之時墮於惡趣是名上欲云何名爲中欲若受欲已心生厭離或起悔心是名中欲云何名爲下欲若摩觸之時欲想即息或共言語雖有染想生念即滅或見欲時欲想亦息是名下欲欲者一切衣服飲食供身之具悉名爲欲瞋恚亦有三種上中下何者爲上瞋若惱彼時深生忿怒或作五逆或五逆中作一一逆或誹謗正法等如是之罪

0123456789200123456789200

非算數譬喻之所能及身壞命終墮大地獄受罪餘報得生人中膚體黑瘦兩目皆赤志逞常怒多壞擾害以是義故名爲上瞋云何名爲中瞋所作諸惡速疾變悔卽修對治之法是名中瞋云何名爲下瞋或出惡言或起譏訶或習微惡業或時時起發尋生對治是名下瞋愚癡亦有三種上中下何者爲上癡作惡不悔不生慚愧心無厭時如是名爲上癡云何名爲中癡身作惡時尋生變悔於同梵行邊發露懺悔不顯已德是名中癡云何名爲下癡依如來所制非性重罪少有所犯是故名爲下癡苦薩摩訶薩善心起時能迴貪瞋痴能除欲愛能除欲樂能除欲著以善心故令欲不起云何名爲無記心此心起時不緣外不緣內不緣善不緣不善不從定不從智如從眠起目視不了不緣善惡名爲無記若無記心生時菩薩方便自策發起善心令生歡喜安住於善是名菩薩得於善心以善心故觀察一切諸法如幻如夢如熱時焰如呼聲響此是善法此非善法此幻如夢如伏諸法見正法已以是緣故便得寂定心爲境界以爲相心爲先導當善持其心調順其心善持諸法調

心繫心漸入寂定以心住心正住三昧心寂定故便能專一心專一故次第無間得定心故心常寂靜心寂靜故心生喜樂便除欲愛諸惡不善有覺有觀定生喜樂成就初禪無覺少觀定生喜樂成就二禪除喜得樂念捨得第三禪離喜樂行捨心得第四禪除我見離憂喜捨苦樂淨念捨行四禪一切解脫離色想如虛空衆生心想虛空想等作一解脫觀以是故色想滅空想生惱壞想已滅無邊虛空想成從無邊虛空想以次觀識識無邊故虛空想滅觀識漸損乃至少識名爲不用處復觀此識若有若無是名非想非非想處滅諸想受是名滅定菩薩雖入滅定而不能捨教化衆生亦不永樂滅定以爲寂靜不捨滅定而能慈悲普覆衆生於滅定中乃至起悲喜捨心亦復如是菩薩爾時便獲五神通而不以十二門禪五神通等以爲自足方求上法阿耨多羅三藐三菩提莊嚴之具功德滿足善男子具此十事是名菩薩具禪波羅蜜善男子菩薩復有十法名爲智慧滿足何等爲十具無我善善解業報善知有爲法善解生死相續不絕善解生死出要之法善解聲聞辟支二乘之法善解摩訶衍善解遮魔業智慧不顛倒智慧無礙

0 1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

智慧善男子云何具無我善菩薩以智觀察色受想行識觀色不生不起不見起因受亦不生不起不起因想亦不生不起不見起因行亦不生不起不起因識亦不生不起不見起因滅亦不生不起不起因第一義諦亦不見不生不起世諦第一義諦但有假名而無實體雖知諸法虛空而不捨於精進深矜一切衆生如救頭然如救衣裳然勤修方便不懈不捨爲一切衆生故而求阿耨多羅三藐三菩提果莊嚴具足是名菩薩無我善根云何名菩薩善知業報菩薩選擇觀察一切衆生皆如幻相如乾闥婆城水中之月體性空寂一切衆生深著我見及我所見以是因緣不見正道衆生作如是想若無我無人無衆生無壽者無丈夫者若悉皆無誰受善惡六趣差別菩薩摩訶薩雖知業報不斷不常不受不捨是名菩薩善知業報云何名菩薩善知有爲而不取有爲相如實正見知有爲法迅速不停念念流動猶牽上露如山澗水駛流赴下間無暫息亦如沙城無有牢固何有智者當生樂著而戀親愛見有爲法如是之相云何智者而生憂悲以是因緣深樂涅槃厭惡生死是名菩薩善知有爲法云何名菩薩善解生死流

0123456789

200

100

200

轉菩薩觀察一切衆生無明所盲漂流生死恒爲愛
縉諸結所縛以是因緣故受以愛故造善惡業以業
因緣故有有因緣故生生因緣故死憂悲苦惱衆苦
聚集生死流轉互爲上下猶如水輪是故菩薩正觀
生死如實而知是名菩薩善解生死流轉云何名菩
薩善解生死出要之法無無明則無行無行則無識
無識則無名色無名色則無六入無六入則無觸無
觸則無受無受則無愛無愛則無取無取則無有無
有則無生無生則無老死憂悲苦惱衆苦聚集菩薩
以如實智見十二因緣是名菩薩善解生死出要之

法云何名菩薩善解聲聞辟支二乘之法菩薩觀察
如此法時成須陀洹成斯陀含成阿那含成阿羅漢
斷諸結漏得成辟支佛成辟支佛已如犀一角善解
聲聞辟支佛法而不取證何以故我攝受一切衆生
故作師子吼而作是言我當拔一切衆生曠野生死
之苦以是故我今不應獨出生死是名菩薩善解聲
聞辟支佛法云何名菩薩善解摩訶衍法菩薩善學
一切諸法善學一切諸法已而不得諸法相善修學
道而不見道相不見能行者不見所行法亦不見所
至到處以是因緣相貌而不墮於斷見是名菩薩善

解摩訶衍云何名菩薩善知遮魔業智慧菩薩菩知
不親近惡知者亦不至惡國而常遠離世俗談話不
樂親近諸餘非法不求利養亦於此法不生欣樂一
切結使能障菩提者悉皆遠離善知對治法是名菩
薩善知遮魔業智慧云何名菩薩不顛倒智慧善學
世諦第一義諦及諸經論善學世間雜論爲成熟衆
生故雖廣聞多學而不爲於顯已功德但爲成熟衆
生雖明知世典而常尊佛法以爲最勝終不染於外
道邪見是名菩薩不顛倒智慧云何名菩薩無等智
慧不見若天若人沙門婆羅門及諸外道與菩薩智
慧等者除諸如來世尊等正覺餘天人阿修羅無有
能及菩薩智慧者是名菩薩無等智慧善男子具此
十事是名菩薩滿足智慧善男子菩薩復有十法名
滿足方便何等爲十善解方便廻向善廻外道諸見
善廻五塵善除疑悔善救護衆生善知衆生濟命善
受供養善移聲聞辟支二乘學者入於大乘善知示
教利喜善知供養恭敬云何名菩薩善解方便廻向
一切所有若華若果若香若樹若寶若寶樹若覩
若覩樹一切空澤曠野無主非我所諸物盡皆晝三
時夜三時廻心施佛以是善根廻向阿耨多羅三藐

三菩提於修多羅經中讚歎供養三寶之處深生隨喜十方世界一切菩薩及諸衆生若起一念善根身心隨喜悉皆廻向香華供養諸佛形像塔廟以是善根願令一切衆生悉除破戒非法臭穢當使一切衆生皆得諸佛戒香之身若有掃塔塗地願使一切衆生悉得端正莊嚴之真若以華蓋供養佛塔願一切衆生除煩惱熱若入僧坊塔寺願一切衆生入涅槃城若出塔寺願一切衆生永離生死若開門時願一切衆生開善趣門若閉門時願一切衆生閉惡趣門若欲坐時願一切衆生當坐道場若欲起時願一切衆生於煩惱淤泥悉能超出若右脇臥時願一切衆生得右脇涅槃若著衣時願一切衆生著慚愧衣若捉鉢時願一切衆生滿足佛法若欲食時願一切衆生悉得法食若大小便利願一切衆生蠲除垢穢無姪怒癡若洗手時當願衆生悉離染穢若洗腳時願一切衆生除煩惱垢若嚼楊枝時願一切衆生種種垢穢皆悉得除若身行止及舉動時願一切衆生悉得安樂若禮塔寺時願一切衆生亦皆敬禮是名菩薩善解方便廻向云何名菩薩善廻外道諸見能令異學九十六種調伏出家欲調伏時而不貢高爲作

師範要先恭事現爲弟子然後調伏隨諸外道所有威儀法則悉皆學習究盡勝彼令調伏已而反制之使爲弟子信受其語爾時便爲說言汝先所學法無有離欲亦無出要乃以正道誘化其心令立佛法是名菩薩善廻外道諸見云何名菩薩善廻五塵見諸衆生貪欲熾盛爲化彼故現作女身端正殊妙超諸女人使彼染著卽復現身變爲死屍脛脹臭爛衆生見者悉生驚怖卽便厭惡我今云何疾得遠離臭穢之身菩薩爾時卽復本形而說法要皆令堅固無上道心是名菩薩善廻五塵云何名菩薩善除疑悔若見衆生作五逆罪及餘諸惡菩薩卽語衆生言汝今何爲愁苦如是彼人答言我作五逆罪愁憂悔恨捨神變適其心念令彼信伏便生信敬愛樂菩薩爲現化作父母而加逆害彼作是念菩薩神足威力無量猶害父母況我愚癡而能不作菩薩答言我真汝伴同作逆罪菩薩便爲說種種法令彼逆罪卽得輕微猶如蚊翅是名菩薩善除疑悔云何名菩薩善能救拔衆生菩薩觀彼衆生堪爲法器而造諸惡菩薩卽爲現形種種說法應見王身得度者卽現王身應見

1 2 3 4 5 6 7 8 9 200 1 2 3 4 5 6 7 8 9 200

王等身得度者卽現王等身應見糾利身得度者卽現糾利身應見婆羅門身得度者卽現婆羅門身應見天身得度者卽現天身應見金剛力士身得度者卽現金剛力士身應見恐怖身得度者卽現恐怖身應見繫閉鞭打驚怖身得度者卽現繫閉鞭打驚怖身應見親友愛樂身得度者卽現親友愛樂身所應見者皆爲現之是名菩薩善能救拔衆生云何名菩薩善知衆生濟命菩薩摩訶薩見衆生無所堪任不識正法唯知貪欲飲食衣服更無餘求菩薩爾時爲示算數醫方種種技術如是善者皆令學習悉使不乏衣服飲食是名菩薩善知衆生濟命云何名菩薩善解受供養菩薩爾時得大寶樹如須彌山悉能受之若得少施微毫縷綻亦皆受用菩薩以何因緣故大小皆受見衆生慳貪嫉妒無有施心又見衆生出沒生死如水中魚深愍衆生漂溺巨海爲作利益令使快樂受財寶已爲供養佛法僧給施窮乏隨所施處而爲說法皆發阿耨多羅三藐三菩提心是名菩薩善解受供云何名菩薩善能移於二乘入於大乘菩薩見衆生堪任大器乃至作聲聞辟支佛二乘精進勤修苦行爾時菩薩令住大乘及其徒衆悉皆令

0 1 2 3 4 5 6 7 8 9 20

0 1 2 3 4 5 6 7 8 9 20

0 1 2 3 4 5 6 7 8 9 20

經

佛說寶雲經卷第一

七

卷一

轉捨於小心爲繼佛種不斷三寶故是名菩薩移於二乘安住大乘云何名菩薩善能示教利喜未發菩提心者能令發心懈怠懶惰者令勤精進若以少善而自足者方便發起令具諸善若有虧損少戒生大障礙而心遠離一切諸善者菩薩卽爲說法令其歡喜具修戒行是名菩薩善能示教利喜云何名菩薩善能恭敬供養三寶出家菩薩少欲知足不積財寶唯以法施爲利爾時在閑靜處獨坐思惟我今何爲不作供養佛想卽自思惟種種運心供養諸佛如是思惟已便能具足六度云何具足六度以種種供養而具檀波羅蜜恒與一切衆生善是名尸波羅蜜歡喜忍樂是名羼提波羅蜜身心不懈是名毘梨耶波羅蜜專心不散是名禪波羅蜜莊嚴衆行皆悉具足是名般若波羅蜜菩薩如是靜處思惟時能具六波羅蜜是名菩薩善解恭敬供養三寶善男子具此十事是名菩薩具足方便

佛說寶雲經卷第二

音釋

愧赧 愧詭僞切慚也
奴板切面赤也 跛 跛子六切錯也
切瞽 瞎也 治疾也 嗜 常利切
膜也 療 樂也 戀 紀逆切
癱於容切 慾 戟戈屬

憇

0 1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

徒對切 **逞** (丑郢切) **迅速** (迅息晉切) **迅史** 流駛疎士
怨也 **快也** **並疾也** **馬** 流切疾也

漂 (浮也) **撫招切** **絹** (古弦) **嚼** 在爵切 **範** (音范) 法秀與久切
脅脹 (脅仄) **上切** **蚊翅** (蚊無分切) **範則** 也 **詒** 教導也

與線 同

姑蘇中書舍人徐溶施費刻此
佛說寶雲經卷二計字六千七百五十九箇該

文侍寺識

佛說寶雲經卷第三

梁扶南三藏曼陀羅仙共僧伽婆羅譯

善男子菩薩復有十法名方便發願何等爲十不作
 甲下發願不作畏生死發願出過一切衆生發願
 切諸佛讚歎發願能摧伏一切魔發願不爲他教故
 發願無邊發願不恐畏發願無憂發願足發願云
 何名菩薩不卑下發願菩薩摩訶薩不爲三有受樂
 故發願是名菩薩不卑下發願云何名菩薩不畏生
 死發願不求二乘不爲厭惡生死不爲滅除生死故
 發願是名菩薩不畏生死發願云何名菩薩出過一

經
佛說寶印陀羅尼經卷三
真言

切衆生發願菩薩願使一切四生衆生悉成菩提而
般涅槃而我或入涅槃或不入涅槃是名菩薩出過
一切衆生發願云何名菩薩一切諸佛讚歎發願菩
薩發願我化一切衆生皆發阿耨多羅三藐三菩提
心行菩薩道乃至坐於道場我當勸請令轉法輪佛
若入涅槃我當勸請令久住世利益衆生是名菩薩
一切諸佛讚歎發願云何名菩薩摧伏一切諸魔發
願菩薩願使一切衆生成佛時國土不聞惡魔名字
是名菩薩摧伏一切諸魔發願云何名菩薩不爲他
教故發願終不受他教故發阿耨多羅三藐三菩提
心自以智慧觀察世界衆生受無量苦爲拔濟故發
阿耨多羅三藐三菩提心是名菩薩不爲他故發願
云何名菩薩無邊發願菩薩不爲方所少緣發願菩
薩整其衣服右膝著地叉手合掌心生厭惡於十方
一切世界所有菩薩若坐道場勤修苦行初成佛者
轉法輪者當悉觀察照見我心勸請隨喜願轉法輪
一切十方菩薩從初發意行六波羅蜜皆作無量難
行苦行乃至坐於道場降魔成佛及轉法輪於此一
一善心我皆隨喜發阿耨多羅三藐三菩提心是名
菩薩無邊發願云何名菩薩不恐畏發願菩薩從初

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

發心聞深妙法不生驚畏聞佛本行無邊功德不生
 驚畏聞菩薩深遠遊戲神通不生驚畏聞菩薩深遠
 善權方便不生驚畏菩薩作是念佛菩提無量無邊
 世界無量無邊佛所成熟衆生無量無邊非我智力
 之所能知唯佛與佛乃能究竟是名菩薩不恐畏發
 願云何名菩薩無憂發願菩薩見諸衆生癡無慧目
 懈悞難調不可降伏破戒懶惰衆惡悉具爲如此等
 深起厭心求生淨土願令我等不聞如是諸惡之名
 當行慈悲智慧具足菩薩發心便作是念一切世界
 中少智衆生愚癡瘡痘無涅槃分不生信心者而爲
 一切諸佛菩薩之所棄捨如此衆生我皆調伏乃至
 坐於道場得阿耨多羅三藐三菩提發此心時一切
 魔宮悉皆震動十方諸佛發心讚歎莊嚴淨土速成
 正覺是名菩薩無憂發願云何名菩薩具足發願菩
 薩發心誓願降魔成阿耨多羅三藐三菩提是名菩
 薩具足發願譬如油鉢若已平滿更投一滴終不復
 受菩薩成佛衆願滿足亦復如是更無減少一塵之
 願善男子具此十事是名菩薩方便具足發願善男
 子菩薩復有十法名力具足何等爲十人不輕力不
 爲他所伏力具福業力具智慧力具徒衆力得神通

0 1 2 3 4 5 6 7 8 9 20

1 2 3 4 5 6 7 8 9 20

1 2 3 4 5 6 7 8 9 20

力自在之力陀羅尼力菩薩定持不可動力所言無二力云何名菩薩人不輕力一切外道聲聞二乘無能過者一切衆生亦無有與菩薩力等者是名菩薩人不輕力云何名菩薩具福業力無有世間出世間所修之福功德莊嚴能與菩薩力齊等者是名菩薩具福業力云何名菩薩具智慧力菩薩智力有所舉動於前後際無有錯謬是名菩薩具智慧力云何名菩薩具徒衆力菩薩徒衆不壞正見無毀威儀常修淨命所攝大衆皆同菩薩正直之行是名菩薩具徒衆力云何名菩薩具神通力菩薩以世俗五通勝於聲聞二乘五通能以一塵容閒浮提及四天下或千世界或二千世界或三千大千世界乃至恒河沙等三千大千世界而微塵不增世界不減其中衆生亦不迫迮無覺知想不相妨礙是名菩薩具神通力云何名菩薩得自在力菩薩有自在力欲使三千大千世界種種珍寶遍滿其中卽如其意是名菩薩自在之力云何名菩薩得陀羅尼力菩薩若聞無量無邊諸佛說法異文異字能於一念種種音聲悉皆受持思惟修行是名菩薩陀羅尼力云何名菩薩受持無虧動力一切衆生無能擾壞令其心亂是名菩薩定

1 2 3 4 5 6 7 8 9 210

1 2 3 4 5 6 7 8 9 210

持不虧動力云何名菩薩所言無二力菩薩心思後
言口無二語唯除方便利益之說是菩薩言無二力
若有記前終不錯謬一切衆生所有智慧無能出過
菩薩之者善男子具足此事是名菩薩得力具足善
男子菩薩復有十法名具足智何等爲十知人無我
智具足知法無我智具足一切處遍知諸方智具足
善知禪定境界處所智具足智持具足無等智具足
善知衆生根行智具足無作智具足善知一切法相
智具足善知出世間智具足云何名菩薩知人無我
觀五陰不堅無牢固虛妄無真實乃至滅謝亦不見
有去菩薩作是念此五陰無我無衆生無壽者無養
育無人凡夫愚人謂實有我故妄取我想猶如鬼魅
妖異所著衆生妄計亦復如是或陰卽是我我卽是
因或因是我所我所是陰著虛妄我不見真實於生
死中如旋火輪虛妄無實菩薩如實能知是名菩薩
知人無我具足云何名菩薩觀法無我知如實相見
生見滅知一切物猶如假借但有名用假施設生無
有實體假施設法亦不斷不常但從緣而生從緣而
滅菩薩如實而知諸法真實是名觀法無我具足云
何名菩薩一切處遍知一切處遍知者非一剎那之

中非一剎那中不知非此方知彼方不知而能普於十方得無礙智是名菩薩一切處遍知云何名菩薩善知禪定境界處所知聲聞定知辟支佛定知菩薩定知諸佛定如是諸定皆悉了知聲聞二乘但知自分境界餘則不知菩薩定者知已境界兼知二乘及如來禪定究竟之相以佛力故亦悉能知是名菩薩善知禪定境界處所云何名菩薩智持具足菩薩善知聲聞持辟支佛持菩薩持況餘衆生而不能知是名菩薩智持具足云何名菩薩無等智具足一切外道二乘諸智無有能及菩薩智者唯除如來一切種智是名菩薩無等智具足云何名菩薩善知衆生根行具足菩薩能以淨無礙智遍觀世界衆生有衆生能生菩提有衆生不能生菩提有衆生滿足菩提有衆生不滿足菩提有衆生住於初地乃至住於十地有衆生坐於道場有成正覺有轉法輪乃至入般涅槃有聲聞乘涅槃有辟支佛乘涅槃有生善趣者有生惡趣者是名菩薩善知衆生根行具足云何名菩薩無作智具足於四威儀行住坐臥念念無作心恒成就譬如有人於出入息乃至睡眠常無所作菩薩如是心無思惟亦非造作而無礙智自然成就是名

菩薩無作智具足云何名菩薩善知一切法相具足了達諸法皆同一相云何一相皆盡空相如幻相虛妄相是名菩薩善知一切法相具足云何名菩薩善知出世間智具足菩薩知無漏智出一切世間諸智是名菩薩出世間智具足善男子具此十事是名菩薩得一切智滿足善男子菩薩復有十法名得地三昧何等爲十如地廣大無邊如地一切衆生依止存濟如地於一切衆生悉有養育之恩終不計恩如地普能容受諸大雲雨能爲一切衆生依止住處能生善種及一切種如大寶器能出一切大藥不可傾動不驚不畏云何名菩薩如地廣大無邊周匝十方無邊無量菩薩亦爾功德智慧莊嚴願行無邊無量是名菩薩如地廣大無邊云何名菩薩如地一切衆生依止存濟各存所欲稱其拯給周濟無礙菩薩亦爾施戒忍辱精進禪智乃至衆具皆悉施與之而心無限礙是名菩薩如地一切衆生依止存濟云何名菩薩有養育之恩而不望報猶如大地等無好惡加報不欣無亦不恨是名菩薩育養之恩而不望報云何名菩薩如地普能容受大法雲雨亦如大地天澍雲雨普能容受無不堪持菩薩摩訶薩亦復如是一切

0123456789

20

20

20

諸佛興大密雲普澍法雨如其所說悉能受持是名
菩薩如地普能容受大法雲雨云何名菩薩能爲一
切衆生依止住處又如大地草木叢林一切衆生行
住坐臥皆依於地菩薩亦爾一切衆生修行善趣二
乘學法及以涅槃一切皆因菩薩而有是名菩薩能
爲一切衆生依止住處云何名菩薩善種子之所依
處譬如大地一切種子依地而生菩薩亦爾一切善
業天人種子皆依菩薩而生是名菩薩善種子之所
依處云何名菩薩如大寶器譬如大地能出衆寶是
諸寶物皆出於地菩薩摩訶薩亦復如是功德善寶
一切樂果悉出菩薩是名菩薩如大寶器云何名菩
薩能出一切大藥譬如大地出衆妙藥能治種種諸
病菩薩摩訶薩亦復如是能出一切諸妙法藥能除
一切諸煩惱病是名菩薩能出一切大法藥器云何
名菩薩不可傾動譬如大地風不能動蠅蟻蚤虱不
能虧損菩薩摩訶薩亦復如是一切內外諸緣逼惱
不能擾動是名菩薩不可傾動云何名菩薩不驚不
畏譬如大地師子虎狼龍象雷電哮吼不能驚畏菩
薩摩訶薩亦復如是一切外道九十六種所不能動
是名菩薩不驚不畏善男子具此十事是名菩薩得

0 1 2 3 4 5 6 7 8 9 20

1 2 3 4 5 6 7 8 9 20

1 2 3 4 5 6 7 8 9 20

地三昧善男子菩薩復有十法譬如大水何等爲十
如水流注溉潤赴下能生衆生善芽種子欣樂敬信
浸爛一切煩惱根芽如水清淨不濁除滅一切熾熱
之患能除貪欲愛心之渴深廣難度如水澆溉高下
皆滿能除一切諸結塵垢云何名菩薩如水流注溉
潤赴下生長草木而各滋茂菩薩亦復如是以諸功
德如水溉下流潤微善亦能增長是名菩薩如水流
注溉潤赴下云何名菩薩能生衆生善芽種子如水
能潤草木叢林悉得生長菩薩以禪定水澆潤覺意
正直道文令得增長漸漸長養成一切智樹是名菩

薩能生善芽種子以若干種諸佛法果利益衆生菩
薩摩訶薩亦復如是以淨清法增長流潤是名菩薩
能生善芽種子云何名菩薩欣樂敬信如水自濕亦
能濕彼菩薩亦復如是自身恭敬信樂亦能令他恭敬
信樂是名菩薩恭敬信樂云何名菩薩浸爛一切
煩惱根芽譬如大水能浸草木根芽令悉爛壞菩薩
摩訶薩亦復如是修禪定水浸煩惱根芽令悉爛壞
乃至結使習氣垢穢悉皆無餘是名菩薩浸爛壞一
切煩惱根芽云何名菩薩如水清淨不濁水之體性
常恒不濁菩薩摩訶薩亦復如是體性不濁云何菩

薩體性不濁結使貪欲瞋恚癡悉斷無餘善護諸
根清淨如水是名菩薩如水清淨不濁云何名菩薩
除滅一切熾熱之患譬如夏月以水洗浴身則清涼
菩薩亦復如是能以法水除煩惱熱是名菩薩除滅
一切熾熱之患云何名菩薩能除貪欲愛心之渴譬
諸泉水能除人渴菩薩摩訶薩亦復如是能以法水
悉除衆生五欲之渴是名菩薩能除貪欲愛心之渴
云何名菩薩深廣難度禪定智水一切衆魔及諸外
道無能度者是名菩薩深廣難度云何名菩薩如水
澆溉高下皆滿菩薩亦復如是於善惡衆生以法水
普潤令不苦惱是名菩薩如水澆溉高下皆滿云何
名菩薩能除一切諸結塵垢菩薩以禪定水淹灑六
塵諸根清淨色聲不染是名菩薩能除一切諸結塵
垢善男子具此十事是名菩薩譬如大水善男子菩
薩復有十法譬如大火何等爲十能燒一切結使之
薪能成熟一切諸物能乾煩惱淤泥如炬火聚如火
照明能令驚怖能令安慰若有利養與衆共之爲人
供養人不敢輕云何名菩薩能燒一切結使之薪如
火能燒草木及諸叢林菩薩亦爾以智慧火能燒煩
惱結使叢林是名菩薩能燒一切結使之薪云何名

菩薩如火能成熟一切諸物菩薩亦復如是以智慧
火悉能成熟一切佛法堅固不壞是名菩薩成熟一
切諸物云何名菩薩能乾煩惱淤泥如火能乾濕物
菩薩亦爾能以智火乾有漏淤泥是名菩薩能乾煩
惱淤泥云何名菩薩如炬火聚若人爲寒所逼得火
則除菩薩亦復如是見諸衆生爲於煩惱寒苦所逼
菩薩以智慧火能令悉暖是名菩薩如炬火聚云何
名菩薩如火照明譬如有人在雪山頂燒大炬火周
帀百里及二百里皆悉照明菩薩摩訶薩亦復如是
於無明山頂然智慧火聚於百千世界皆得照明是
名菩薩如火照明云何名菩薩能令驚怖譬如麞鹿
虎豹見火驚恐悉皆遠走若天若魔及魔眷屬見菩
薩智火威德皆悉遠走是名菩薩能令驚怖云何名
菩薩能令安慰譬如有人在曠野黑闇中迷失方所
遙見火聚便往趣之或值聚落放牧人處得到彼已
恐怖悉除心得安慰菩薩摩訶薩亦復如是衆生於
生死曠野黑闇之中迷失方所遙見菩薩火聚而往
趣之到已煩惱怖畏悉得消除是名菩薩能令安慰
云何名菩薩利養與衆共有譬如大火能令王若王
等旃陀羅男女等悉得火溫菩薩摩訶薩亦復如是

與一切衆生王若王等若旃陀羅男女等以智慧火
消煩惱水悉令得溫是名菩薩利養與衆共有云何
名菩薩爲人供養譬如大火刹利婆羅門城邑聚落
悉皆供養菩薩摩訶薩亦復如是爲天人阿修羅及
魔眷屬悉皆恭敬供養如世尊像是名菩薩爲人供
養云何名菩薩人不敢輕譬如有人得一少火以能
燒故心不敢輕菩薩摩訶薩亦復如是初發一念之
善未有大力天人阿修羅及魔眷屬無能敢輕者何
以故如是不久當坐道場成阿耨多羅三藐三菩提
是名菩薩人不敢輕善男子具此十事是名菩薩譬如
大火善男子菩薩復有十法猶如虛空何等爲十
廣大無礙寂滅無相無邊空智無邊空慧廣大如法
界知一切法相如虛空一切法不住出過一切形相
出過一切思議量數善男子具此十事是名菩薩猶
如虛空善男子菩薩復有十法心如虛空何等爲十
若心所喜樂亦不著心不喜樂亦不瞋於色聲香味
觸亦不著不瞋乃至於一切法亦不著不瞋於利衰
毀譽稱譏苦樂於此四法亦不著不瞋善男子具此
十事是名菩薩心如虛空善男子菩薩復有十法猶
如滿月何等爲十能與一切衆生作清涼樂見者愛

樂能使善法日日漸增能令惡法日日損減如月盛
滿體相勝妙體性清淨得無上乘常自莊嚴得法喜
樂乘第一乘有大神通威德自在云何名菩薩能與
一切衆生作清涼樂如月天子初出之時悉與衆生
清涼快樂而衆樂觀心無疲厭菩薩之月亦復如是
除其煩惱鬱蒸之熱皆令衆生得清涼樂歡喜愛樂
是名菩薩能與一切衆生作清涼樂云何名菩薩見
者愛樂如月初出衆生喜見利喜快樂菩薩之月亦
復如是初出之時衆生喜見無不悅樂諸根寂定如
水澄清威儀具足是名菩薩見者愛樂云何名菩薩
能使善法日日增長如月初出日日圓滿菩薩之月
亦復如是從初發心漸漸增長乃至菩薩坐道樹下
功德滿足是名菩薩能使善法日日增長云何名菩
薩能令惡法日日損減譬如黑月圓滿光明以漸損
減至月盡時光明悉滅隱蔽不現菩薩一切衆惡次
第漸減乃至菩提悉皆除盡是名菩薩能令惡法日
日損減云何名菩薩如月盛滿如從月初至盛滿時
衆所瞻仰刹利婆羅門城邑聚落一切男女無不稱
讚菩薩之月亦復如是常爲天人一切衆生皆悉稱
讚是名菩薩如月盛滿云何名菩薩體相清淨如月

天子身相清淨是本業果報菩薩摩訶薩亦復如是無垢清淨從化而生不由父母精氣而生從法而生是名菩薩體相清淨云何名菩薩得無上乘如月天子乘於淨乘照四天下菩薩摩訶薩亦復如是乘於大乘能使無量百千萬億世界衆生悉皆照明是名菩薩得無上乘云何名菩薩常自莊嚴如月天子華鬘顯現菩薩摩訶薩亦復如是常以功德瓔珞而自莊嚴是名菩薩常自莊嚴云何名菩薩得法喜樂如月天子遊戲五欲心常樂著菩薩亦復如是遊戲諸法心常喜樂不染五欲是名菩薩得法喜樂云何名菩薩有大神通威德自在如月天子有大威德菩薩亦復如是具諸功德自在智慧神通變化隨意無礙是名菩薩有大神通善男子具此十事是名菩薩如月天子善男子菩薩復有十法爲名如日何等爲十能除無明黑闇能令信心開敷能令十方周匝皆暖能令善法生長能令有漏滅沒能作照明能使邪道異見蔽障不現能令高下丘坑悉顯能令善業皆悉得起能令智者喜樂愚者增惡云何名菩薩能除無明黑闇譬如日出衆闇皆息菩薩日出能除衆生無明之闇譬如日出時衆華開敷菩薩日出應受化者

亦皆開敷如日出時周布十方能令使暖菩薩日出功德智慧令十方暖不擾衆生如日將出見其明相知有日出菩薩亦復如是以智光明照諸世間衆生則知菩薩日出如日入時諸方昏暝衆物不現菩薩以智慧光入諸三昧煩惱昏冥一切結漏悉滅不現如日出時光照闇浮提滅一切闍菩薩智光亦能普照如日出時翳諸小明螢火之光悉不復現而日無心翳諸小明法相自爾菩薩日出則翳諸異見群邪外道如日出時於闇浮提高下好惡悉皆顯現菩薩日出時正道邪道亦各差別邪謂八邪正謂八正如日出時田夫耕農諸作悉起菩薩日出信心衆生皆修善如日出時善人樂見姦盜衆生悉惡不喜菩薩日出賢智樂見羣邪外道一切不喜善男子具此十事是名菩薩如日善男子菩薩復有十法譬如師子何等爲十無所畏不畏大衆去終不還能師子吼具足辯才樂處林野在於山窟摧伏大衆具勇猛力善能守護善男子云何無所畏譬如師子往還出入無所忌難何以故不見與已等故菩薩摩訶薩亦復如是周旋往還無所畏難何以故不見與已等故譬如師子不畏大衆菩薩摩訶薩亦復如是諸有大衆

欲來講論不生畏難心亦不高不下譬如師子心無
怯弱臨陣戰鬪而心不退直進不還菩薩亦爾如師
子吼飛落走伏鯀魚龜鼈水性之屬潛隱水底人畜
皆驚菩薩亦爾作無我師子吼能令一切外道野干
著我見者十方驚走菩薩不欲令彼生其驚怖但欲
除彼我見心故亦爲化餘信心衆生如師子王勇猛
無畏遍觀四方心無怯弱菩薩摩訶薩亦復如是其
行純淨常諦觀察三昧智慧譬如師子樂處林野菩
薩摩訶薩亦復如是常樂閑獨離於憒鬧又如師子
樂處山窟菩薩亦爾樂處禪定三昧山窟譬如師子
無所結縛菩薩摩訶薩亦復如是悉已遠離結使重
擔而行無染著譬如師子無有伴黨能摧諸軍衆菩
薩摩訶薩亦復如是獨坐道場摧伏魔衆善男子猶
如師子近聚落住能令麁鹿不害苗稼菩薩亦爾隨
住方面能令衆魔一切外道不壞正法善男子具此
十事是名菩薩譬如師子善男子菩薩復有十法名爲
能除諳曲虛妄之說幻惑悉除心常正直善男子具
趣向正道善持重擔爲衆生故不辭勞苦正命自活
此十事是名菩薩善調善男子菩薩復有十法名爲

善乘何等爲十雖行禪定恒修空相雖盡煩惱障而常修道善順佛教而無所違等觀諸法善解法界心常自卑如旃陀羅善除憍慢貢高吾我見法決定無有疑悔善察諸法得決定相善於正道不隨他教善向菩提爲世福田善男子具此十事是名菩薩善乘善男子菩薩復有十法譬如蓮華何等爲十其體清淨不著於水不染少惡戒香具足修清淨行和顏悅色柔軟不鞭見者皆吉心意調熟生已有想云何不著如蓮華生水淤泥不染菩薩雖生世間而不爲世法所著何以故得方便智慧故猶如蓮華水不能染菩薩亦爾不爲少惡之所染著如蓮華生處香氣滿中菩薩亦爾隨所住處戒香悉滿譬如蓮華隨所生處體性清淨刹利婆羅門城邑聚落之所稱讚菩薩摩訶薩亦復如是戒行清潔天人阿修羅夜叉乾闥婆迦樓羅緊那羅摩睺羅伽人非人等之所稱讚常爲諸佛之所護念如蓮華開敷衆皆愛樂菩薩摩訶薩亦復如是和顏悅色諸根清淨譬如蓮華柔軟不鞭菩薩如是體性柔軟言無麤獷譬如蓮華常是吉相乃至夢中亦名爲吉有義有吉菩薩摩訶薩亦復如是一切是吉究竟必得證一切智以是義故名一

0 1 2 3 4 5 6 7 8 9 200 1 2 3 4 5 6 7 8 9 200 1 2 3 4 5 6 7 8 9 200

切吉譬如蓮華未開敷時不名具足華既開敷則名清淨一切具足菩薩摩訶薩亦復如是慧覺開敷是名爲佛如蓮華開敷能令眼見快樂香氣充滿身觸柔軟心得喜悅則意受樂菩薩摩訶薩亦復如是智慧成就慧光明相能令見時眼得清淨聞時耳得清淨戒香遠聞鼻得清淨觸身供養身得清淨思惟功德意得清淨蓮華生時生已有想佛及菩薩四天王等若見菩薩出時亦皆守護生已有想善男子具此十事是名菩薩譬如蓮華

佛說寶雲經卷第三

音釋

龍 樂方董切恨力計切
恨 儼多惡不調也
陷 切害也逃
阤 支虔切
側 華切通也拯
𠙴 舊虔切
風 所灌也
漑 古文切
鯀 魚孟切
海魚也
鞞 堅也

瘡 瘡於金切
瘻 瘡烏下切
迫 迫切
迮 博

吳江縣志：佛弟子周麟趾爲薦亡兄兩弟，統往生淨土施貲，刻此佛說寶雲經三卷，計字六千九百四十該銀三兩，一錢二分三厘。天啟歲次乙丑仲秋吉日吳江接待寺識。

清江集

卷之三

卷之三

卷之三

This block contains a small, rectangular piece of aged, yellowish-brown paper. The paper has a slightly textured appearance with some minor discoloration and faint vertical lines, possibly from a previous page or binding. A dark, solid border is visible on the right side, suggesting it was part of a larger document.

佛說寶雲經卷第四

梁扶南三藏曼陀羅仙共僧伽婆羅譯
善男子菩薩復有十法名勝大心何等爲十滿足諸
婆羅蜜故名勝大心滿足一切佛法故名勝大心化
一切衆生故名勝大心成佛道樹得阿耨多羅三藐
三菩提故名勝大心初成正覺轉於法輪若沙門婆
羅門若人若天魔梵所不能轉及於世間亦不能轉
而我當轉故名勝大心菩薩爲欲利益衆生不但於
此世界乃至於無量無邊世界悉以正法攝取衆生
故名勝大心菩薩以智慧船爲欲度此生死大海流

0 1 2 3 4 5 6 7 8 9 200 1 2 3 4 5 6 7 8 9 201 2 3 4 5 6 7 8 9 202

轉衆生故名勝大心衆生無救無依無舍無主我當
 親友爲作歸依舍宅故名勝大心欲示如來威德自
 在我當爲作佛師子吼我當遊戲佛之神通欲現龍
 象威儀視不迴顧欲使天人一切衆生無與等者若
 魔與梵沙門婆羅門及阿修羅無與等者故名勝大
 心佛大威德所化度者我欲度之非凡小行非麤弊
 行非是難行非下劣行故名勝大心善男子具此十
 事是名菩薩最勝大心善男子菩薩復有十法名清
 淨心何等爲十體性具足體性不動體性質直無虛
 偽相除諸惡行不發聲聞心不發辟支佛心不自爲
 已結使垢障而修功德少恩尚憶況復大恩而不念
 報施恩於人而不自恃言行相應終不謬失不隱已
 過不譏他短菩薩終不外現輒語而心懷恨亦不顰
 感瞋色卒暴令惱衆生自無諍心亦不令他而起於
 諍不作兩舌破壞鬪亂於人身常恭敬所言真實言
 行相稱作業皆善於如來法不說過惡云何不說過
 惡菩薩發菩提心剃除鬚髮被著法服如來法中而
 得出家不畏王故出家不畏王臣故出家不作盜賊
 故出家不負債故出家不怖畏故出家不爲邪命故
 出家信心故出家得出家已恒求善法親近善友隨

順善友於善知識所聽受善法聞法修行心不憍慢
 終不顛倒妄取於法爲除顛倒令入正道入正道已
 便得正見得正見已去阿耨多羅三藐三菩提不遠
 善男子具此十事是名菩薩清淨心善男子菩薩復
 有十法名深信不疑何等爲十信如來身密信如來
 口密信如來意密信諸菩薩所行信菩薩法信於諸
 佛隨所起作皆令滿足信諸佛出生信諸佛一乘信
 諸佛深遠音聲信諸佛隨應衆生說法云何信如來
 身密信如來法身信如來寂滅信如來無等無量身
 信如來堅固身信如來不壞身信如來金剛身從如
 實生信知不虛誑亦不生疑惑是名信如來身密又
 復思惟聞如來口密現前受記密受記未發心受記
 初發心受記信諸佛常以四依說法信諸佛智無失
 信諸佛口無失信諸佛如上所說言不虛妄何以故
 諸佛已盡一切過故離一切垢故除一切塵無一切
 热盡諸結業自在無礙心常寂滅不濁不穢澄潔清
 淨若使如來有身口過則無是處如實不虛不妄決
 了此處不生疑惑是名信如來口密菩薩又作是念
 聞如來意密心有所作皆隨智慧聲聞緣覺一切菩
 薩則不能了唯除如來欲使知者何以故如來智海

0 1 2 3 4 5 6 7 8 9 20

0 1 2 3 4 5 6 7 8 9 20

0 1 2 3 4 5 6 7 8 9 20

甚深難度不思議故超過一切心意表故無量無邊與虛空界等出過一切外道占相卜筮呪術所知心常如實無有虛妄復聞菩薩爲衆生故所作事業不生疲厭不生驚畏志力堅實荷負重擔能生大欲滿足諸波羅蜜一切佛法以漸而滿其心無礙無與等者堅固精進堅固莊嚴堅固智慧堅固誓願不動誓願無等誓願何以故稱菩提相故以漸增廣乃至滿足如實知之無有虛妄心無疑惑云何能修信不疑作是念從初發心乃至坐於道場得無障無礙遍知一切法明了無翳得天眼天耳他心宿命如意足智漏盡智於一剎那頃悉知三世以如是智觀衆生界見衆生身業不善口業不善意業不善詐謗賢聖起大邪見亦知作邪見因緣身壞命終墮大地獄觀如是衆生身業修善口業修善意業修善不謗賢聖正見成就以是因緣身壞命終生於天上如是觀諸衆生善惡差別而作是念我本修菩薩道時發大誓願若我自成菩提亦使他成我誓願滿足言行真實無有虛妄而於此處亦無疑惑我聞如來唯有一乘此事真實而不顛倒無有虛妄何以故譬如閻浮提多諸小渚是諸小渚皆依閻浮提住亦同名閻浮提如

0 1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

來一乘亦復如是一切諸乘皆出大乘是故一乘名
如來大乘亦於此中不生疑惑如實而知是以菩薩
信如來乘亦曾聞如來種種說法種種修多羅無不
真實何以故如來隨所化衆生隨問何法稱彼而答
然於此處如實能知信受不疑曾聞諸佛深遠妙聲
此事真實心無所惑何以故諸天以少修福尚得深
妙柔軟之心況復如來具足無量百千萬億功德深
信此處不生疑惑是名菩薩信於如來深遠之聲又
信如來能以一音演說諸法隨其類根悉除疑惑而
諸衆生皆謂世尊獨爲已說佛以一音演說諸法衆

生隨類亦各信解非作想亦非不作想如實而知無
有虛妄能於此處不生疑惑善男子具此十事是名
菩薩深信不疑也善男子菩薩復有十法譬如大海
何等爲十是大寶藏深遠難度廣大無量次第漸深
不與煩惱同處而宿寂滅一相衆流競注皆悉容受
潮不失時能爲他人作歸依處而無竭盡云何菩薩
是大寶藏亦如大海一切衆寶皆出其中闡浮提人
悉來競取不能令滅菩薩亦爾猶如寶藏無邊衆生
悉以信心修菩薩行功德寶藏亦復不滅是名菩薩
如大寶藏譬如大海深廣難度菩薩亦復如是智慧

0 1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

經

佛說寶掌大士經

五

身四

法海一切衆魔及諸外道無能度者是名菩薩深廣難度譬如大海廣大無邊菩薩亦爾功德智慧廣大無邊是名菩薩猶如大海深廣無邊譬如大海次第漸深菩薩摩訶薩成一切智以漸轉深是名菩薩猶如大海以漸轉深譬如大海不宿死屍何以故海法爾故菩薩法海一切結漏煩惱死屍及惡知識亦不同宿何以故菩薩法爾故譬如大海衆流注中皆同一味菩薩摩訶薩亦復如是白淨善業無量一切功德到種智海亦同一味等無差別譬如大海能容百千衆流然其大海不增不減菩薩亦爾聽受一切佛法亦爲衆生分別解說而無增減是名菩薩猶如大海不增不減云何譬如大海潮不過限菩薩亦復如是於所應成熟衆生亦潮不過限猶如大海一切大身衆生依止窟宅菩薩摩訶薩亦復如是爲一切大心衆生作依止窟宅是名菩薩猶如大海依止窟宅譬如大海無有窮盡菩薩摩訶薩亦復如是爲一切衆生如應說法亦無窮盡善男子具此十事是名菩薩譬如大海善男子菩薩復有十法名微細智何等爲十善知出要善知出要法善知出一切法等同一相善知一切法如幻化善知一切法相善知甚深十

0 1 2 3 4 5 6 7 8 9 200

1 2 3 4 5 6 7 8 9 200

二因緣善知諸業不可思議善知一切法義善知如實義善知如實智善男子云何名菩薩善知出要菩薩能以智慧觀察一切衆生貪瞋熾然愚癡闇冥思惟如是衆生云何出要觀察等同一相知一切法如幻相如實知一切法能度甚深因緣能知業不可思議知一切諸法無相而知種種諸業能知緣起及諸業相以如是微細智故於諸佛所說法悉了其義以解義故所見真實以見真實故便能度脫衆生生死善男子具此十事是名菩薩微細智善男子菩薩復有十法得隨應辯何等爲十佛如是說一切諸法無我無衆生無壽命無人無著者無知者無見者一切諸法悉如是相一切法空一切法虛妄欺詐無王一切法妄相無實皆從因緣起善男子具此十事是名菩薩隨應辯善男子菩薩復有十法名爲辭辯何等爲十言論無滯語無竭盡言辭柔潤悅澤無窮不懼大衆辭不卑小辭無畏恐辭無與等者言不爲他所惡言雖無量而不離四依義善男子具此十事是名菩薩辭辯善男子菩薩復有十法名爲淨辯何等爲十辭不謇吃辭無恐畏辭不卑劣辭不麌高義不卑小辭無闕短其聲清徹聲無闕短言則應時無有漏

1 2 3 4 5 6 7 8 9 210

1 2 3 4 5 6 7 8 9 210

失辯不麤廣云何名菩薩得不饗吃辯以無大衆威
德畏故言不饗吃云何名菩薩得不恐怖辯以體性
正直故無所忌云何名菩薩得不卑劣辯以何因緣
故菩薩處於大衆猶如師子無所忌難云何名菩薩
辭不麤高以何因故除結使故善男子有煩惱故辭
有麤高云何名菩薩義不卑小以何因故善得法故
已解深法其義明了云何名菩薩辭無闕短以何因
故善解諸論故若解論尠少則言辯有闕云何名菩
薩聲無闕短何以故菩薩悉解一切諸音聲故云何
名菩薩知時而語若應前語不著於後若應後語亦
不著前何以故菩薩善知時故云何名菩薩辯不麤
廣非所喜者則不爲說何以故一切口過由諸結習
以斷惡故所言柔軟菩薩摩訶薩無不了辯何以故
菩薩諸根已悉利故善男子諸根閼鈍故有不了辯
利則不爾善男子具此十事是名菩薩淨辯善男子
菩薩復有十法名樂說辯何等爲十愛語不顰蹙語
義語法語等語不自高語不輕他語不染語不惱觸
語種種言辯善男子菩薩愛語能令衆生心生欣樂
菩薩不卑蹙語和顏悅色咸使安慰菩薩義辯能以
美語令衆生悅樂菩薩辯教授利益菩薩等辯常以

等心爲衆生說法能令衆生一切悉皆喜悅菩薩不以自高說法除去憍慢自是心故菩薩同事說法悅衆生故菩薩不輕他說法心能專一故菩薩不染語堅持淨戒悅衆生故菩薩不惱觸語以忍辱力悅衆生故菩薩種種言辯能以樂說悅衆生故善男子具此十事是名菩薩樂說辯才善男子菩薩復有十法名善說法能令衆生信受何等爲十堪任法器者而爲說法稱其根性而爲說法不爲譏訶者說法不爲外道異見者說法不爲憍慢無誠心者說法不爲無信心者說法不爲詣偽虛誑者說法不爲求活命者

說法不爲求利養慳貪嫉妬者說法不爲顛狂愚癡聾瘡者說法善男子菩薩以何因緣不作法慳已所得法悉與衆生令他信解不爲師匠秘而不說菩薩終不於衆生起不慈愍心亦不外於衆生但不任法器者則入捨心除益障菩薩白佛言世尊而此衆生若不爲說者當爲誰說佛言有信心者我當爲說善根成就堪任法器者當爲說之於過去佛種諸善根心不諂曲無虛僞者亦非幻惑詐現威儀者不求名聞爲利養者常爲善知識之所守護者有智聞之能隨信解者諸根利者聞法能行勤精進者能隨順佛

經一
佛說寶掌經卷四

九

真四

教者若有如是善男子等諸佛菩薩而爲說法善男子具此十事是名菩薩能善說法令衆生信受之善男子菩薩復有十法名爲說法法師何等爲十修習佛法而能說法亦不見法而能修習亦不見法能斷結使而爲說法亦不見所斷結使亦不見法厭惡離欲寂滅作如是說法亦不得厭惡亦不得離欲亦不得寂滅相得須陀洹果說法不見有須陀洹相得斯陀含果說法不見有斯陀含相得阿那含果說法不見有阿那含相得阿羅漢果說法不見有阿羅漢相得辟支佛果說法不見有辟支佛相斷除著我說法亦不見我不見著見業果報說法亦不見業果報相何以故菩薩觀諸假名不必依法名中無法法中無名但以世俗假設名字流布世間世諦故而有假名於第一義諦觀之則無悉是虛妄誑惑凡夫善男子具此十事是名菩薩說法法師善男子菩薩復有十法名爲堅法何等爲十菩薩摩訶薩雖觀色真實而不壞色相觀受想行識真實亦不壞受想行識相菩薩雖觀欲界真實而不壞欲界相雖觀色界真實而不壞色界相雖觀無色界真實而不壞無色界相雖觀諸法真實而不壞諸法相雖觀諸法真實而不壞

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

佛說寶意經卷四

東陽

於假名衆生雖觀諸法虛寂而不畢竟墮於斷見雖觀諸法真實而不壞於正道菩薩以巧方便智慧善知有無而不取相善男子具此十事是名菩薩堅法善男子菩薩復有十法善知法界何等爲十有慧依善知識能勤精進遠離陰蓋清淨恭敬多習空觀除著諸見趣向於道所見真實善男子菩薩有慧習近善知識見善知識愛敬喜悅於善知識生世尊想依善知識住因善知識故得勤精進因善知識故能除一切惡法雖滿足一切善法而勤精進不倦除滅陰蓋以無益障故而勤修道得身口意業清淨除諸習

惡得清淨故能恭敬供養得恭敬供養故而得空觀修空觀故除諸假名除諸假名故能向正道能向正道故能見真實除益障菩薩白佛言世尊云何名爲見真實佛卽答言所見不虛名爲真實除益障菩薩白佛言世尊云何名真實佛復答言不虛妄法名爲真實除益障菩薩白佛言世尊云何名爲不虛妄佛卽答言如實非不如實名不虛妄除益障菩薩白佛言世尊云何名爲如實佛卽答言此法唯可心知難以口說非是文字所能宣釋除益障菩薩白佛言世尊云何法相離於文字佛答言言語道斷出過一切

0123456789 200123456789 200

心所行處離諸戲論無造無作亦無彼此非籌量計
枚之所能及亦非相貌過於一切凡愚所見出過魔
界出過一切結使處所出過一切心意識表不住寂
滅賢聖處所而諸賢聖之所證知善男子具此十事
名爲究竟如實是一切智所說不思議境界不二境
界除益障菩薩白佛言世尊是如實相云何證云何
見佛告善男子出世間智乃能證見自得此法除益
障菩薩復白佛言世尊此法體性究竟清淨非染汙
法是澄淨法微妙最勝法常住不動非敗壞法有佛
無佛法性常爾菩薩摩訶薩精勤修行難行苦行百
千萬億難行苦行爲得此法安立衆生除益障菩薩
復白佛言世尊如如名以聞慧聞以思慧思身得證
不佛言善男子不爾何以故以智慧觀如實法而身
得證除益障菩薩白佛言世尊不從聞慧聞思慧思
身得證耶佛言善男子不也不以聞思慧故身得證
得善男子汝今諦聽我當說喻善男子譬如春末盛
熱大曠野中有人從東來欲向西有人從西來欲東
過從西來者爲熱所逼語彼人言我今爲熱所逼極
甚渴乏示我道路何處當有清涼池水可止渴乏東
方來人善知途徑善知道相卽答彼云道中有好清

0 1 2 3 4 5 6 7 8 9 200 1 2 3 4 5 6 7 8 9 200 1 2 3 4 5 6 7 8 9 200

涼美水無諸鹹苦我以於彼洗浴飲飽得來至此善
男子汝欲趣彼其路衆多去此不遠便有二道一者
是左道二者是右道汝今當從右道而往棄其左道
去此不久當見叢林鬱茂清涼此叢林中多妙池泉
衆流美味可以洗浴飲除渴乏佛言善男子彼渴乏
者聞水思惟時渴已止渴不除益障菩薩白佛言不
也世尊雖聞清涼而身未證知佛言善男子此亦如
是以聞思慧等便能證知實相之法大曠野者譬如
如生死渴乏之人是具縛凡夫煩惱熱逼便生愛渴
善知道者譬如菩薩善知一切智道能飲水者譬如
善得法味洗浴清涼譬如身證澄清淨潔無諸鹹苦
譬如實法善男子汝今善聽我更說喻假使如來於
閻浮提若壽一劫說須陀味香氣勝妙甘美清淨食
時受樂悉皆讚歎其味無比若使有人雖見其色而
未食者口得味不除益障菩薩白佛言不也世尊佛
言善男子我今爲汝復更說喻譬如有人曾食美果
於未得者前讚歎此果色香味具彼人聞說是果時
已知彼果色香味不除益障菩薩白佛言不也世尊
佛言善男子凡夫愚人亦復如是不以聞思中慧便
能證知真實法相除益障菩薩白佛言世尊今爲我

故快說此喻若得聞者不久亦當獲得法利何以故
若聞此法必證阿鞞跋致當得阿耨多羅三藐三菩
提佛卽答言如汝所說聞此法者必證阿鞞跋致當
得阿耨多羅三藐三菩提善男子具此十事是名菩
薩善知法界

佛說寶雲經卷第四

音釋

卜筮

筮時擲切

饗吃

寒居偃切

吃言難也

吳江縣奉佛弟子周麟趾爲薦亡兄周集統
往生淨土施費刻此 佛說寶雲經卷四計字五千七百七十二
紙三兩三錢三分六厘天啟歲次乙丑仲秋吉日吳江接待寺識

佛說寶雲經卷第五

梁扶南三藏曼陀羅仙共僧伽婆羅譯

善男子菩薩摩訶薩復有十法名善住空處何等爲
十善知力空善知無畏空善知不共法空善知戒聚
空善知定聚空善知慧聚空善知解脫聚空善知解
脫知見聚空善知空空善知實諦空雖知於空而不
取空相不作空見不依止空不以此空因緣相貌墮
於斷見善男子具此十事是名菩薩善住空處善男
子菩薩摩訶薩復有十法名住無相何等爲十除外
想除內想除戲論想除一切計有想除一切境界想

卷一
經
佛說寶勝經卷五
1 2 3 4 5 6 7 8 9 200 1 2 3 4 5 6 7 8 9 200 1 2 3 4 5 6 7 8 9 200

少信常爲不善諸惡所持不知如來有大威德爲如此等是以如來自稱實德令彼衆生信受修行善男子譬如醫師善知醫法醫所住處多諸病苦更無餘醫能療治者是諸人等不知此醫有大威德是時良醫觀諸病者不識方藥亦復不知所不應食爾時良醫起大慈悲我當療治除其病苦爾時良醫於衆人前自歎已德而作是言我善知是病及知病因善知藥病隨應而授爾時衆生於良醫所心生信敬以信心故便卽依憑爾時良醫以若干種藥隨授而與諸人服已病悉除愈善男子爾時彼醫是自稱譽不除蓋障菩薩白佛言不也世尊佛言善男子如來世尊如大醫王能治衆生煩惱之病亦知煩惱所因起處來是大醫王如來處處於衆生前常自歎說爾時衆生便生信敬歸依如來聖主世尊猶如醫王以大法藥能滅衆生煩惱之病云何名爲是大法藥貪欲者以不淨治瞋恚者以慈心治愚癡者以因緣法治如等是無量法藥悉能退治諸煩惱病善男子具此十事是名菩薩住於無相善男子菩薩摩訶薩復有十法名爲

0 1 2 3 4 5 6 7 8 9 200 1 2 3 4 5 6 7 8 9 200

無願何等爲十雖行布施不依布施而有願求雖持禁戒亦不依禁戒而有願求忍辱精進禪定智慧亦復如是雖依三界而不願求三界相雖求菩提而不取菩提相雖行正道而不取正道相雖求涅槃而不取涅槃相何以故菩薩離一切願求相故雖行一切佛法而心常無所願求善男子具此十事是名菩薩無願善男子菩薩摩訶薩復有十法名修慈無量何等爲十不作方所慈不隨所親慈常行法慈依定修慈不爲離瞋修慈恒爲利益一切衆生而起於慈常爲衆生修等之慈不爲離惱害修慈遍於十方普皆

修慈出世間修慈善男子具此十事是名菩薩修慈無量善男子菩薩摩訶薩復有十法名悲無量何等爲十見衆生無依無救無怙爲苦所惱菩薩爾時卽發菩提心得如法修行獲得法已利益衆生於貪衆生教令布施破戒衆生教修持戒惱害衆生教修忍辱懈怠衆生教修精進亂心衆生教修禪定愚癡衆生教修智慧若見剛強諸惡衆生不受教者而菩薩心亦不退沒雖爲衆生久受諸苦志必濟彼無有疲厭善男子具此十事是名菩薩修悲無量善男子菩薩摩訶薩復有十法名喜無量何等爲十見諸衆生

0 1 2 3 4 5 6 7 8 9 200 1 2 3 4 5 6 7 8 9 200

於生死熾然得離三有虛偽之生而生歡喜斷絕生死震動來往結業之索生歡喜心見生死海中魔竭惡覺水羅刹難令得遠離生死大海如是衆難生歡喜心傾倒魔幢生歡喜心以智金剛摧結使山令無塵末生歡喜心我今自得止息亦令他得止息生歡喜心我今自於生死長眠境界心得覺悟而諸衆生爲愛所縛無明所盲亦當令彼悉得覺悟生歡喜心我今自得解脫離諸惡趣險難之處亦當度脫諸墮惡趣險難之者生歡喜心於生死曠野六趣險路獨行無侶周廻往返不善知道不識方所我令得知正道識於方所生歡喜心我今得近一切智城隣於佛坐生歡喜心善男子具此十事是名菩薩喜心無量善男子菩薩摩訶薩復有十法名捨無量何等爲十眼見好色亦無染著入於捨心耳聞聲鼻艶香舌嘗味身觸細滑意知諸法如是六塵不取其相亦不惱逼常行捨心苦苦行苦壞苦於此三受心無增減而不惱逼常行捨心所作已辦盡諸有結常行捨心善薩爾時作是思惟我欲度之彼已自度常行捨心善男子具此十事是名菩薩捨心無量善男子菩薩摩訶薩復有十法名遊戲神通何等爲十現捨天壽現

0123456789

201123456789

201123456789

經
佛說寶雲經卷五

五

集五

受世生現爲童子種種戲笑現作出家現作苦行現向菩提樹現降魔勞怨現樂寂靜現轉法輪現入涅槃除益障菩薩白佛言世尊以何因緣現兜率陀天壽乃至現入涅槃佛答言兜率陀天染著五欲多生常想見菩薩於一切衆生中最勝不染五欲而身終沒能破衆生常想之病得無常想心不放逸兜率陀天多諸放逸不生恭敬信樂之心染著愛欲不受正法長夜嬉戲自恣娛樂是以菩薩爲欲除放逸心故示現捨壽爾時衆生見菩薩捨壽皆除放逸生厭離心除放逸故便發阿耨多羅三藐三菩提心菩薩現出母胎多有異相亦令衆生信受其化雖處母胎爲衆說法皆得阿毘跋致疾向阿耨多羅三藐三菩提若有衆生見菩薩嬰孩時善根得熟菩薩爲此衆生得成熟善根故現處嬰孩若有衆生見菩薩出家善根增長菩薩便爲是等捨家出家若有衆生志著麤弊菩薩現作苦行而成熟之天龍夜叉乾闥婆應見苦行成熟者卽爲現之而使成熟亦爲調伏諸外道等無量衆生長夜發願菩薩疾趣菩提樹我當隨逐爾時菩薩卽便現趣菩提樹下是時衆生得阿毘跋致乃至發阿耨多羅三藐三菩提心又爲衆生憍

0 1 2 3 4 5 6 7 8 9 20

1 2 3 4 5 6 7 8 9 20

1 2 3 4 5 6 7 8 9 20

慢貢高自恃勢力菩薩爲欲破彼憍慢心故現坐道場摧伏魔怨令使信伏菩薩爲樂寂靜衆生增長善根故現坐道場菩薩坐道場時能使三千大千世界一切衆聲悉皆不現三千大千世界卽便寂靜令樂寂靜者生希有想皆發阿耨多羅三藐三菩提心能令衆生悉得寂靜又有衆生自謂大師作一切智想不知出要道不識出世法亦不知現生後報爲欲摧伏如此衆生故見堪任法器成熟衆生爲是等故現成無上三菩提道詣波羅柰三轉四諦法輪又有衆生應現涅槃而成熟者爲欲成熟彼衆生故現入涅槃

槃菩薩以如是緣如是義故現坐道場乃至現入涅槃善男子具此十事是名菩薩遊戲神通善男子菩薩摩訶薩復有十法名離八難何等爲十離惡業不善如來所制禁戒終不毀犯除於貪嫉於過去佛所種諸善根恒修福業智慧具足善知方便善知發願多厭惡心能勤精進菩薩不造惡業而入地獄雖處地獄終不受於地獄苦報所不喜者亦不能憐雖墮地獄而不久處亦復不生惱害之心菩薩志性調柔恒修十善以十善故不墮地獄菩薩不毀佛戒墮畜生中雖現畜生而不受於畜生之苦菩薩不起貪嫉

0 1 2 3 4 5 6 7 8 9 20

1 2 3 4 5 6 7 8 9 20

經

卷第

三

身五

墮餓鬼中雖現餓鬼而不受於餓鬼之苦菩薩終不生邪見家雖生邪見處必遇善知識何以故已於過去修諸善故亦於過去佛久植善根故常生正見家具善因緣具善因緣故功德增廣菩薩終不諸根毀缺若根減少不任法器菩薩積德久遠修福不倦於諸形像塔寺及法僧中處處修福心常不懈以常修故諸根具足無有闕少堪爲法器菩薩終不生邊地愚駛聾瘡諸惡之處譬如白羊愚癡無智而不能識善惡義趣不任法器亦復不識沙門婆羅門菩薩生於中國聰慧利根有大知見又心信樂親近有智而於善惡善知分別堪爲法器深信沙門婆羅門何以故菩薩本修智慧力故菩薩不生長壽天若生長壽天不覩佛出世遠離道果不能成熟衆生是故菩薩生於欲界佛出世時必當遭遇能化衆生以何因緣善方便故菩薩終不生於無佛世界亦不生於不聞法處乃至不生無衆僧可供養處菩薩生處必遇三寶何以故本誓願力故菩薩生處必有厭惡心不憍慢而自貢高若聞八難諸惡之處必生厭離心不喜樂勤修精進具諸善法除滅惡法善男子具此十法是名菩薩離於八難善男子菩薩摩訶薩復有十法

名不忘失菩提之心何等爲十心無諳僞亦無幻惑
心常結實澄淨清白於佛法僧終不生疑受持佛法
者亦不生疑不生師想而恪於法除却法慳終不作
滅佛法因緣言行相應終不虛妄受持大乘若見受
持者常能恭敬於摩訶衍以漸深入於說法者生於
佛想生善知識想善男子具此十事是名菩薩常不
忘失菩提之心善男子菩薩復有十法能識宿命何
等爲十曾多恭敬供養諸佛受持諸佛法能淨持戒
除諸疑悔除諸蓋障多歡喜心樂於禪定常受化生
得不忘識供養佛者恒於正法常生恭敬受持正法
者亦常恭敬以是因緣能受持法讀誦書寫廣爲人
說不惜身命專爲正法淨修戒行身口意業悉皆清
淨以戒清淨故心無疑悔淨持戒故無有益障無有
蓋障故心得歡喜心得歡喜故得修禪定得修禪定
故生處清淨生處清淨故便得化生得化生故得不
忘識得不忘識故便得宿命得宿命故能知一身二
身乃至知百千身善男子具此十事是名菩薩得宿
命智善男子菩薩復有十法得不離善知識何等爲
十得不離值佛若聞佛若憶佛得不離常聞法得不
離常供養僧得不離諸佛菩薩禮拜問訊恭敬合掌

供養等得不離多聞人值說法人得不離聞諸波羅
蜜得不離聞諸道品覺意之法得不離聞三解脫門
得不離聞四梵堂得不離聞一切種智善男子具此
十事是名菩薩得不離善知識善男子菩薩復有十
法得遠離惡知識何等爲十遠離破戒惡知識遠離
破正見者遠離壞威儀者遠離邪命者遠離樂世俗
言說多憤闇者遠離多懈怠者遠離樂著生死者遠
離背菩提者遠離在家之衆遠離一切結使菩薩雖
樂遠離如是等事終不生惱害亦不生輕毀之心菩
薩作如是念我會聞佛說衆生性欲相染以習近故
多有所壞是故我應一切遠離善男子具此十事是
名菩薩遠離惡知識善男子菩薩復有十法得如來
法身何等爲十等身清淨身無盡身久習善身法身
非算數等量甚深之身不思議身寂滅身虛空身智
身善男子具此十事是名菩薩得如來法身除益障
菩薩白佛言世尊菩薩何時當得如來法身佛答言
善男子初地菩薩得等身何以故初地菩薩除一切
惡身與諸菩薩同是名等身二地菩薩得清淨身以
持戒清淨故三地菩薩得無盡身以除瞋惱害故四
地菩薩得久積一切善身以修習一切佛法故五地

卷一

佛說寶珠經卷五

東京大學藏書

第五

菩薩得於法身以禪定力知一切佛法故六地菩薩
 非世間算數籌量所不能知身以深遠故七地菩薩
 得不思議身以善方便故八地菩薩得寂滅身善除
 調戲盡一切煩惱故九地菩薩得虛空身得無礙身
 遍虛空故十地菩薩得妙智身何以故遍知一切菩
 薩諸地法故除益障菩薩白佛言世尊菩薩法身如
 來法身無差別耶佛言身無差別但功德有異除益
 障菩薩白佛言世尊云何身無差別功德有異佛言
 身名無異何以故身一相故而功德相各有差別云
 何身中別見功德相佛言善男子我今爲汝說喻以
 釋此義譬如摩尼珠皆同名摩尼此珠名雖是一若
 磬磨治飾光則明顯心意悅樂譬如來身不磬治者
 猶如菩薩身如來身摩尼寶菩薩身摩尼寶如實無
 異然如來摩尼寶菩薩身摩尼寶然其光明色相各異
 何以故如來身摩尼寶無量滿足衆生界滿虛空界
 清淨離一切塵垢菩薩身摩尼寶有限不能滿虛空
 界何以故有垢障故善男子譬如月初至十五日名
 盛滿月後十五日亦名爲月乃至月盡皆名爲月月
 雖名同而明不如十五日月盛然月法爾而如來身
 菩薩之身俱名爲身如月名同如實亦同然光明照

1 2 3 4 5 6 7 8 9

1 2 3 4 5 6 7 8 9

經卷三

身五

曜菩薩如來而各不同菩薩之身光明照耀不及如來其光熾盛譬如月末時月月初之月不可相比善男子以是故如來身菩薩身一身雖同功德有別善男子菩薩復有十法名金剛不壞身何等爲十貪欲瞋恚愚癡不能壞惱害憍慢著我自恃見顛倒不能壞世八法不能壞惡道不能壞一切苦不能壞生老病死憂悲苦惱不能壞一切外道異見不能壞一切魔天及魔眷屬不能壞一切聲聞辟支佛不能壞一切欲界不能壞善男子具此十事是名菩薩金剛不壞身善男子菩薩復有十法名大商王何等爲十能

使商人隨順言教能使商人供養恭敬能作引導不畏諸難能使衆人作依憑處能令人依常得活命豐饒資糧多諸珍寶心不止足常爲前導得至一切種智大城善男子云何名菩薩能使商人隨順言教譬如商王善導衆商若有所說皆悉隨從菩薩亦爾善化衆生能令一切悉皆隨順譬如商王爲諸商人恭敬供養菩薩商王亦復如是學無學人天龍鬼神乾闥婆阿修羅迦樓羅人非人等亦悉來恭敬供養譬如商王善於曠野賊難之處能令衆伴安隱得過菩薩商王亦復如是於生死曠野煩惱賊處能將諸

人安隱得過譬如商王能將諸人出於曠野令濟身
命菩薩亦復如是令諸外道鉢羅婆殖尼乾陀等於
生死曠野將導使出濟其軀命或有王者大臣官屬
及餘衆生樂生死者亦依菩薩大商王故悉得全濟
如大商王善備資糧所須珍寶能將人衆過於險道
過險道已便得安隱乃到大城菩薩商王亦復如是
欲至佛所多共衆伴經歷生死險遠曠野到彼岸城
當修功德以自莊嚴禪定解脫悉令具足菩薩商王
欲至一切種智大城具一切佛法功德珍寶譬如商
主集諸珍寶無有止足菩薩亦爾集法財寶無有厭
足譬如商王善導衆商聰慧最上財產巨富所有言
說衆悉奉用菩薩商王亦復如是爲衆導首功德無
量於法自在所言無二善能將導超過險路至彼大
城菩薩商王亦復如是將諸衆生超生死險能到涅
槃種智大城善男子具此十事是名菩薩名大商王
善男子菩薩復有十法名善知道何等爲十知於平
道知險惡處知安隱處知諸岐道知諸
道處知止住處所知於道相知道曲直知道出要善
男子具此十事是名菩薩善知於道善男子菩薩復
有十法知道不顛倒何等爲十應示大乘道得度者

印123456789

印123456789

印123456789

卽示大乘道不示聲聞道應示聲聞道得度者卽示聲聞道不示大乘道應示一切種智道得度者卽示一切種智道不示聲聞道應示緣覺道得度者卽示緣覺道不示一切種智道著我見衆生不爲說空無我不著我見者不爲說苦空無常無我著二邊者不爲說中道著中道者不爲說二邊失心狂亂者不爲說奢摩他毗婆奢那著邪道者爲說正道令離結使棘刺之屬善男子具此十事是名菩薩不顛倒道善男子菩薩復有十法名爲常在禪定何等爲十觀身身念處觀受受念處觀心心念處觀法法念處阿練

若處攝心而行觀於五欲攝心而行於村里營舍城邑聚落國土方所攝心而行於名聞利養攝心而行於如來所制禁戒攝心而行於諸煩惱起瞋恚處及心詣曲攝心而行云何觀身念處攝心而行以正智慧選擇諸惡除去不善從足至頂乃至腦膜觀察諸分無我我所念念不住是敗壞法筋脈所纏臭穢可惡純集惡色如是觀察橫生身想我所之想以是因緣以是相貌諦觀身相心得自在云何觀受念處菩薩作是念觀察一切諸受悉皆是苦凡夫愚人倒生樂想愚癡無智無識苦樂賢聖之人悉觀是苦勤修

1 2 3 4 5 6 7 8 9 20

1 2 3 4 5 6 7 8 9 20

1 2 3 4 5 6 7 8 9 20

經

佛說寶印法華經卷第五

四

東正

方便斷除是苦亦教餘衆生如是觀受不憎不愛斷於諸受云何觀心意止觀心無常而作常想苦作樂想無我我想不淨淨想心甚緩疾如風動搖念念不任速疾變異是結使根本惡道之原常生詣曲爲煩惱王亦是貪欲瞋恚愚癡因緣是一切法宗王工匠心爲前導心從緣起悉知諸法心如畫師畫一切像而心不知心集諸業善惡所由心如循環如旋火輪心如火種然三有薪心能生物猶如大水觀察之者當知心相是大患本不令是心而得自在若能於心得自在者於一切法亦得自在云何觀法念處不善

之法如實而知貪欲瞋恚愚癡及所依起一切惡法能修對治貪瞋癡等斷除不善觀諸善法心樂隨順繫心專念順行諸善亦教他人同已所觀云何觀於五欲攝心修行於五欲中不生喜樂亦不憎惡於色聲香味觸亦不生愛亦不憎惡於此無體相法生憎愛心便同愚癡凡夫嬰孩不善之者又世尊說若於法生愛樂亦生染著若生染著便成愚癡若生愚癡便是不識善惡以是因緣墮於惡道是故於此空法不應憎惡若憎惡者名不堪忍若不堪忍則增長恚心爲阿耆梨之所呵責亦爲同梵行者之所譏嫌如

經

佛說寶印法華經卷第五

四

東正

1 2 3 4 5 6 7 8 9

1 2 3 4 5 6 7 8 9

1 2 3 4 5 6 7 8 9

經

佛說經卷五

真經

是觀察五欲修行正念心不染著亦不憎惡亦教他人作如是觀云何名阿練若處攝心離亂如法修行名阿練若處名爲無諍住處亦名寂滅住處此阿練若處有諸天龍鬼神他心智者善見我心是故我今不應起不善思覺斷除不善覺勤修善覺當令善覺常得增廣云何菩薩於里巷村營城邑聚落國土方所是中行住坐臥於不善處於出家所不應行處悉皆遠離何處不應行處酤酒家姪女家王家碁博之處醉客之處歌舞妓樂之處如是種種非是出家所應到處悉皆不往如是村邑聚落之處攝心而行云

何於名聞利養攝心而行於得利養處欲使檀越增長福業不爲貪著所得財利不作已想與一切苦惱衆生悉皆共之以是施因緣得名稱讚歎雖得名稱讚歎而不自舉不生憍慢亦不放逸如是名稱讚歎不久自滅誰有智者於無常迅速不住之法不可保信云何於中生於愛憎何有智者生已有想生憍逸心是名菩薩於名聞利養攝心而行云何菩薩於如來所制禁戒常念修行過去諸佛履行禁戒而得成佛乃至涅槃未來諸佛亦履行禁戒而得成佛乃至涅槃現在諸佛履行禁戒而得成佛乃至涅槃作是

經

佛說經卷五

上

身五

1 2 3 4 5 6 7 8 9

1 2 3 4 5 6 7 8 9

1 2 3 4 5 6 7 8 9

經

佛說法華經卷第

卷五

觀察能持禁戒終不毀犯是名善修是名善持云何
菩薩於煩惱結使塵垢蓋障能善修習攝心而行菩薩
善知煩惱結使塵垢蓋障能善知其因善知所因起處
從是因出菩薩於結使蓋障常念攝心如是修行善
男子具此十事是名菩薩常在禪定善男子菩薩復
有十法名爲糞掃衣何等爲十以能受持終不毀壞
心常卑下而不疲厭不以此事而得解脫不見其過
見功德利不自高已不多聚積善持禁戒諸天親近
云何受持能不毀壞菩薩有信敬心體性具足於如
來所深生信敬寧捨身命不捨所受所受不動以所

受堅因心能卑下以卑下故不生我慢以意卑下故
便於惡賤糞掃之物取已淨洗洗已縫染心不疲厭
不疲厭故常取糞掃衣亦不以小行而懷自足方進
求上法必獲前利亦不見此糞掃衣過我常著糞掃
衣乃至令老不以此衣而爲麤弊亦不作念此衣麤
敝多有蚤虱若常作者令身垢汗當念思惟著糞掃
衣有諸功德賢聖所服遠離欲者之所修行是名聖
稱諸佛所讚如來所譽以是因緣故不自稱譽不應
自高亦不下他是名戒具足戒具足故諸天親近諸
佛讚歎菩薩守護善能觀察人非人等刹利婆羅門

1 2 3 4 5 6 7 8 9 20

1 2 3 4 5 6 7 8 9 20

聚落邑主恭敬禮拜同梵行者之所讚歎善男子具此十事是名菩薩糞掃衣除益障菩薩白佛言世尊菩薩大志何緣樂此下劣麤弊佛答言善男子菩薩爲護衆生德力所能非諸凡愚下劣所堪爲未生煩惱作障礙故佛語除益障菩薩善男子汝謂如來爲是大志是名小乎除益障菩薩白佛言世尊我無此辯當何能答何以故無有能知如來量者現見如來知一切法受糞掃衣者能制結使不見如來有所遮制此四天下天人龍鬼皆有卑下之志如來雖現卑下但爲成熟彼衆生故於諸衆生前讚歎頭陀汝今

當知如是因緣除益障菩薩白佛言世尊爲成熟衆生及新學者菩薩遮斷結使故說此事善男子威德力菩薩爲化衆生現受糞掃衣非志卑陋以是義故菩薩受糞掃衣善男子菩薩復有十法名受取三衣何等爲十少欲知足不多貪求不多積聚無積聚故離諸過患無失壞故離諸憂惱離憂惱故離衆苦聚集離衆苦聚集故無有愛欲無愛欲故能盡諸漏少欲菩薩趣得爲足知足之人少得而足以少欲故無所多求離所求故無多積聚離積聚故無惱失苦無惱失苦故無有憂愁無有憂愁故無有苦惱無有苦

0 1 2 3 4 5 6 7 8 9 20 1 2 3 4 5 6 7 8 9 20

惱故無有受用無有受用故便得漏盡善男子具此

十事是名菩薩受持三衣

佛說寶雲經卷第五

音釋

颯許殺切

氣也

馬五驥切

瘞也

諂五駿切

詐也

殖五駿切

危睡切

詐五駿切

佞也

猶五駿切

詐也

酤古胡切

買也

碩古胡切

渠也

颯

氣也

馬

瘞也

諂

詐也

殖

危睡切

詐

佞也

猶

詐也

酤

買也

碩

渠也

子也

子也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

上十五